

75237, 58/1310

26

HARVARD COLLEGE LIBRARY  
FROM THE  
HARVARD-YENCHING  
INSTITUTE  
MAR 1 1932

御選宋詩卷第七十五目錄

七言絕句十二

恭聖楊皇后九首

花蕊夫人費氏四十首

靖康宮人一首

陳真淑一首

黃慧真一首

周靜真一首

葉靜慧一首

孔清真一首

鄭惠真一首



MAR 1 1933  
INSTITUTE  
HARVARD-YENCHING  
FROM THE  
HARVARD COLLEGE LIBRARY

御選宋詩卷第七十五目錄

七言絕句十二

恭聖楊皇后九首

花蕊夫人費氏四十首

靖康宮人一首

陳真淑一首


黃慧真一首

周靜真一首

葉靜慧一首

孔清真一首

鄭惠真一首



翁懿淑一首

章妙懿一首

蔣懿順一首

袁正淑一首

王瓊奴一首

蒨桃二首

吳安持妻王氏一首

趙令峙妻王氏一首

賀鑄妾一首

李清照二首

朱淑真十九首

曹組母王氏一首

陸游妾一首

趙葵姬一首

曹緼一首

于本大妻一首

王氏女一首

丘氏一首

毛友龍妻一首

毘陵女子李氏二首

錢氏一首

葉桂一首

英州司空女一首

金麗卿一首

劉氏二首

陳梅莊三首

謝氏一首

賈蓬萊一首

高氏一首

沈清友一首

徐宥女一首

孟淑卿二首

趙晟母一首

鄧氏二首

張仲妹一首

連倩女一首

溫婉二首

黃氏女一首

浣花女一首

朱逸仙一首

周韶一首

胡楚二首

龍靚二首

閩妓周氏一首

譚意哥一首

楚娘一首

謝金蓮一首

梁意娘一首

盧政議一首

劉跛子一首

刁氏子一首

吹角老兵一首

番陽布衣一首

無名氏九首

回山人一首

湘妃一首

散花天女一首

女仙三首

成都月中婦人二首

高麗國王王徽一首

高麗副使韓繳如一首

王紳一首



美人爭爲捲珠簾

缺月流光入綺疏金壺傳箭夢回初秦臺彩鳳無消息  
桂影空閒十二除

輦路青苔雨後深銅魚雙鑰晝沉沉詞臣還有相如在  
不得當時買賦金

黃鳥驚眠曙色開慵梳鬟髻意徘徊君王早御延英殿  
頻喚宮人上直來

一朶榴花插鵝鴉君王嘗得笑時誇內家衫子新番出  
淺色新裁艾虎紗

小樣龍盤集翠球金羈緩控五花騮繡旗高處鈞天奏  
御捧先過第一籌

花藥夫人費氏

宮詞一百首

錄四十首

五雲樓閣鳳城間花木長新日月閒三十六宮連內苑  
太平天子住崑山  
龍池九曲遠相通楊柳絲牽兩岸風長似江南好風景  
畫船來去碧波中  
東內斜將紫禁通龍池鳳苑夾城中曉鐘聲斷嚴妝罷  
院院紗窗海日紅  
殿名新立號重光島上亭臺盡改張但是  
一人行幸處  
黃金閣子鎖牙牀  
御厨進食簇時新侍宴無非是近臣日午殿頭宣索繪



隔花催喚打魚人  
立春日進內園花紅藥輕輕嫩淺霞跪到玉階猶帶露  
一時宣賜與宮娃  
離宮別院遶宮城金板輕敲合鳳笙夜夜月明花樹底  
傍池長有按歌聲  
御製新翻曲子成六宮纔唱未知名盡將膚篋來抄譜  
先按君王玉笛聲  
脩儀承寵住龍池埽地焚香日午時等候大家來院裏  
看教鸚鵡念新詩  
六宮官職總新除宮女安排入畫圖二十四司分六局  
御前頻見錯相呼

春風一面曉妝成偷折花枝傍水行却被內監遙覷見  
故將紅豆打黃鶯

殿前排宴賞花開宮女侵晨探幾回斜望苑門遙舉袖  
傳宣聲喚近臣來

殿前宮女總纖腰初學乘騎怯又嬌上得馬來才欲走  
幾回拋鞚把鞍橋

自教宮娥學打球玉鞍初跨柳腰柔上棚知是官家認  
徧徧長羸第一籌

內家追逐採蓮時驚起沙鷗兩岸飛蘭棹把來齊拍水  
並船相鬪溼羅衣

新秋女伴各相逢罨畫船飛別浦中旋折荷花半歌舞

夕陽斜照滿衣紅

婕妤生長帝王家，常近龍顏逐翠華。  
楊柳岸長春日暮，傍池行困倚桃花。

月頭支給買花錢，滿殿宮人近數千。  
遇著唱名多不語，含羞走過御牀前。

平頭船子小龍牀，多少神仙立御傍。  
旋刺高竿令過岸，滿池春水蘸紅妝。

羅衫玉帶最風流，斜插銀篦慢裹頭。  
聞得殿前調御馬，掉鞭橫過小紅樓。

薄羅衫子透肌膚，夏日初長板閣虛。  
獨自凭闌無一事，水風涼處讀文書。

別色宮司御輦家，黃衫束帶臉如花。  
深宮內苑參承慣，常從金輿到日斜。

海棠花發盛春天，遊賞無時引御筵。  
遶岬結成紅錦帳，暖枝猶拂畫樓船。

晚來隨駕上城遊，行到東西百尺樓。  
回望苑中花柳色，綠陰紅豔滿池頭。

明朝臘日官家出，隨駕先須點內人。  
回鶻衣裝回鶻馬，就中偏稱小腰身。

鞍韉盤龍鬧色裝，黃金壓胯紫油韁。  
自從揀得真龍骨，別置東頭小馬坊。

苑中排比宴秋宵，絃管掙撻各自調。  
日晚閣門傳聖旨，

明朝盡放紫宸朝

傍池居住有魚家收網搖船到淺沙預進洪魚供日料  
滿筐跳躍白銀花

高亭百尺立於風引得君王到此中牀上翠屏開六扇  
檻花初綻牡丹紅

小院珠簾著地垂院中排比不相知羨他鸚鵡能言語  
窗裏偷教鸚鵡兒

翡翠簾前日影斜御溝春水浸成霞侍臣向晚隨天步  
共看池頭滿樹花

金碧闌干倚岼邊卷簾初聽一聲蟬殿頭日午搖紈扇  
宮女爭來玉座前

寒食清明小殿傍綵樓雙夾鬪雞場內人對御分明看  
先睹紅羅十擔牀

大臣承寵賜新莊梔子園東柳岼傍每日聖恩親幸到

板橋頭是讀書堂

東院開府輔政餘暇每到苑中  
聖人特賜新莊以修宴遊之所

梨園弟子簇池頭小樂攜來候宴遊旋炙紅笙先按拍  
海棠花下合梁州

秋曉紅妝傍水行競將衣袖撲蜻蜓回頭瞥見宮中喚  
幾度藏身入畫屏

蜜色紅泥地火爐內人冬日晚傳呼今宵駕幸龍池宿  
排比椒房得暖無

畫船花舫總新妝進入池心近島傍松柏樓窗楠木板

暖風吹過一團香  
 三清臺近苑牆東  
 樓檻重重映水紅  
 盡日綺羅人度曲  
 管絃聲在半天中  
 安排諸院接行廊  
 外檻周回十里強  
 青錦地衣紅繡毯  
 盡鋪龍腦鬱金香

靖康宮人

題驛壁

渭平沙淺鴈來時  
 渭漲沙移鴈不歸  
 清風明月淚沾衣

陳真淑

送汪水雲南歸分得君字

天山雪子落紛紛  
 醉擁貂裘坐夜分  
 明日馬頭南地去  
 琴邊應是有文君

黃慧真

送汪水雲南歸分得更字

萬疊燕山冰雪勁  
 萬里長城風雨橫  
 君衣雲錦勒花驄  
 此酒一杯何日更

周靜真

送汪水雲南歸分得一字

燕山雪花大如席  
 馬上吟詩無紙筆  
 他時若遇隴頭人  
 折寄梅枝須一一

葉靜慧

送汪水雲南歸分得杯字

塞上砧聲響似雷  
憐君騎馬望南回  
今朝且向穹廬醉  
後夜相思無此杯

孔清真

送汪水雲南歸分得酒字

瘦馬長吟蹇驢吼  
坐聽三軍擊刁斗  
歸人鞍馬不須忙  
為我更嚼葡萄酒

鄭惠真

送汪水雲南歸分得西字

琵琶撥盡昭君泣  
蘆葉吹殘蔡琰啼  
歸見林逋煩說似  
唐僧三藏入天西

翁懿淑

送汪水雲南歸分得陽字

金門夜醉紫霞觴  
乞得黃冠歸故鄉  
一似陳搏居華嶽  
又如李泌過衡陽

章妙懿

送汪水雲南歸分得關字

一從騎馬逐鈴鑿  
過了千山又萬山  
君已歸裝向南去  
不堪腸斷唱陽關

蔣懿順

送汪水雲南歸分得無字

十年牢落醉穹廬  
不用歸榮駟馬驅  
他日儻思人在北

音書還寄鴈來無

袁正淑

送汪水雲南歸分得人字

抱琴歸去海東濱莫逐成連覓子春十里西湖明月在  
孤山尋訪種梅人

王瓊奴

答外

茜色霞箋照面頰玉郎何事太多情風流不是無佳句  
兩字相思寫不成

舊桃

侍宴呈萊公

一曲清歌一束綾美人猶自意嫌輕不知織女寒窗下  
幾度拋梭織得成

風動衣單手屢呵幽窗軋軋度寒梭臘天日短不盈尺  
何似妖姬一曲歌

吳安持妻王氏

呈父

西風吹入小窗紗秋氣應憐我憶家極目江山千里恨  
依然和淚看黃花

趙令時妻王氏

咏懷

白藕作花風已秋不堪殘睡更回頭晚雲帶雨歸飛急

去作西窗一枕愁

賀鑄妾

蘇春日

獨倚危闌淚滿襟  
小園春色嬾追尋  
深思總似丁香結  
難展芭蕉一寸心

李清照

吳題八詠樓

千古風流八詠樓  
江山留與後人愁  
水通南國三千里  
氣壓江城十四州  
春殘何事苦思鄉  
病裏梳頭恨最長  
梁燕語多終日在

薔薇風細一簾香

朱淑真

鶉鳩聲歇已開晴  
柳眼窺春淺  
放青樓上捲簾凝  
目處  
遠山如畫展幃屏

春來春去幾經過  
不似今年恨最多  
寂寂海棠枝上月  
照人清夜欲如何

柳垂新綠膩  
煙光紫燕惺鬆語  
畫梁午睡忽驚雞  
唱罷  
日移花影上窗香

濛濛細雨溼香塵  
似欲藏鴉柳色新  
鬪草工夫渾忘却

御選宋詩 卷七十五 朱淑真  
日暮春夜窗香

祇憑詩酒破除春  
半簷斜月人歸後  
一枕清風夢破時  
無奈梨花春寂寂  
杜鵑聲裏祇顰眉

春來春

夢回酒醒春愁怯  
寶鴨煙銷香未歇  
薄衾無奈五更寒  
杜鵑叫落西樓月

阻雨

幾度尋芳已不成  
又逢寂寞過清明  
慳風澀雨顛迷甚  
十日春無一日晴

清晝

竹搖清影罩幽窗  
兩兩時禽噪夕陽  
謝却海棠飛盡絮

困人天氣日初長

日永

雨過橫塘蛙吹鬧  
日融芳圃蜜脾香  
一痕心事難消遣  
雙鵲飛鳴過短牆

月夜

燈花鵲喜兩無憑  
那更清宵夢不成  
月上樓頭天似洗  
愁人別是一般情

對景漫成

半窗殘照一簾風  
小小池亭竹徑通  
楓葉醉紅秋色裏  
兩三行鴈夕陽中



中秋聞笛

誰家橫笛弄輕清喚起離人枕上情自是斷腸聽不得  
非干吹出斷腸聲

舊愁

銀屏曲屈障春風獨抱寒衾睡正濃啼鳥一聲驚夢破  
亂愁依舊鎖眉峰

花影重重疊綺窗篆煙飛上枕屏香無情鶯舌驚春夢  
喚起愁人對夕陽

宴謝夫人堂

竹引清風入酒卮森森涼氣暗侵肌冰巒四疊渾無暑  
不似人間六月時

春曉雜興

挑盡殘燈夢欲迷子規催月小樓西紗窗偷眼天將曉  
無數宿禽花下啼

春夜有感

清江碧草兩悠悠各自風流一種愁正是落花寒食夜  
夜深無伴倚空樓

暑月獨眠

紗廚困卧日初長解却紅裘小簟涼一篆爐香籠午枕  
冰肌生汗白蓮香

初秋雨晴

雨後風涼暑氣收庭梧葉葉報初秋浮雲盡逐黃昏去

樓角新蟾挂玉鈎

曹組母王氏

樓上望妓行雪中

梁王宴罷下瑤臺  
窄窄紅鞵步雪來  
恰似陽春三月暮  
楊花飛處牡丹開

陸游妾

偶吟

玉階蟋蟀鬧清夜  
金井梧桐辭故枝  
一枕淒涼眠不得  
呼燈起作感秋詩

趙葵姬

摘青梅

柝聲默報早朝回  
滿院春風繡戶開  
怪得無人理絲竹  
綠陰深處摘青梅

曹緝

繡鴛鴦詩

柴扉花嶼接江湖  
頭白成雙得自娛  
春晚有時描一對  
日長銷盡繡工夫

于本大妻

得仙詩

醉舞狂歌踏落花  
綠羅裙帶有丹砂  
往來城市買山藥  
那箇西山是我家

王氏女

補仙官詩

翫水登山無足時  
諸仙頻下聽琴徽  
此心不念居塵世  
惟見天邊雙鶴飛

丘氏

寄外

簾裏孤燈覺曉遲  
獨眠留得宿妝眉  
珊瑚枕上驚殘夢  
認得蕭郎馬過時

毛友龍妻

寄外

剔燭親封錦字書  
擬憑歸鴈寄天隅  
經年未報干秦策  
不識如今舌在無

毘陵女子李氏

題破錢

半輪殘月掩塵埃  
依稀猶有開元字  
想得清光未破時  
買盡人間不平事

英云公彈琴

昔年嘗笑卓文君  
豈信絲桐解誤身  
今日未彈心已亂  
此心原是不由人

不聞錢氏

腕玉瘦寬金縷細  
鬢蟬慵掠翠雲鬟  
鮫綃裊徧相思淚  
睂黛無心畫遠山

御選宋詩

卷七十五

毘陵女子李氏

錢氏

葉桂

三

葉桂畫山

題琵琶亭

樂天當日最多情  
淚滴青衫酒重傾  
明月滿船無處問  
不聞商女琵琶聲

英州司空女

題梅關

英江今日掌刑回  
上得梅山不見梅  
掇俸買將三十本  
清香留與雪中開

金麗卿

述懷

家住錢塘山水圖  
梅邊柳外識林蘇  
平生慣占清涼國

豈料人間有暑途

劉氏

寄外

碧紗窗外一聲蟬  
牽惹愁腸懶晝眠  
千里才郎歸未得  
無言空撥玉爐煙  
畫扇停揮白晝長  
清風細細襲衣裳  
女童來報新篘酒  
安得良人共一觴

陳梅莊

述懷

一寸柔腸萬疊縈  
那堪更值此春情  
黃鸝知我無情緒  
飛過花梢禁不聲

一片愁心怯杜鵑  
嬾妝從任鬢雲偏  
怕郎說起陽關意  
常掩琵琶第四絃  
山城落日弄昏黃  
又了平生半日忙  
侍妾不須燒絳蠟  
讓他明月入回廊

謝氏

送外

此去惟宜早早還  
休教重起望夫山  
君看江上千竿竹  
不是男兒淚染斑

賈蓬萊

謝姊惠鞵

蓮瓣娟娟遠寄將  
繡羅猶帶指尖香  
弓彎著上無行處

獨立花陰看鴈行

高氏

暮夜感懷

揚花日日長無定  
海燕年年却有歸  
一瞬青春疾如電  
等閒著盡縷金衣

沈清友

絕句

晚天移櫂泊垂虹  
閒倚篷窗問釣翁  
爲底鱸魚低價賣  
年來朝市怕秋風

徐宥女

偶題

絮加柳陌三春雨花落梨園一笛風百尺玉樓簾半捲  
夜深人在水晶宮

孟淑卿

題采蓮美人圖

綠槐蟬靜日偏長  
嬾爇金爐百和香  
莫摘池中蓮子看  
箇中多半是空房

春歸

落盡棠梨水拍堤  
萋萋芳草望中迷  
無情最是枝頭鳥  
不管人愁只管啼

趙晟母

惜別

暖有花枝冷有冰  
佳人會後却無憑  
預愁離別若相對  
挑盡漁陽一夜燈

鄧氏

寄衣戍所

欲寄寒衣上帝都  
連宵裁剪眼模糊  
可憐寬窄無人試  
淚逐西風灑去途

題畫菊

良工妙手恁安排  
筆底移來紙上栽  
葉綠花黃長自媚  
等閒那與蜨蜂來

張仲妹

贈沈警

隴上雲居不復居  
湘川斑竹淚沾餘  
誰念衡山煙霧裏  
空看鴈足不傳書

連倩女

題竹簾詩

綠筠劈破條條直  
紅線經回眼眼奇  
為愛如花成片段  
致令直節有參差

溫婉

寄情

郎在溪西妾岸東  
雙眸寄恨託溪風  
待郎行盡溪邊路  
笑入垂楊避釣翁

寄遠

小花靜院東風起  
燕燕鶯鶯拂桃李  
斜倚紅牆卜遠人  
樓外春山幾千里

黃氏女

感懷

闌干閑倚日偏長  
短笛無情苦斷腸  
安得身輕如燕子  
隨風容易到君傍

浣花女

潭畔芙蓉

芙蓉花發滿江紅  
盡道芙蓉勝妾容  
昨日妾從堤上過  
如何人不看芙蓉

朱逸仙

寄元驥卿

郎今多病如家令妾自擽躬怨楚王斜壓玉釵成獨夢  
低垂元髮繫柔腸盡盡芙蓉顏妾容和日妾外與土豈

周韶

詠鸚鵡

隴上巢空歲月驚忍教回首自梳翎開籠若放雪衣女  
長念觀音般若經

胡楚

芳草

不見當時丁令威年年處處是相思若將此恨同芳草  
却恐青青有盡時

送周韶落籍

淡妝輕素鶴翎紅移入朱闌便不同應笑西園舊桃李  
強勻顏色待東風

龍靚

自嘲獻張子野

天與羣芳十樣葩獨分顏色不堪誇牡丹芍藥人題徧  
自笑身如鼓子花

送周韶落籍

桃花流水本無塵一落人間幾度春解佩暫酬交甫意  
濯纓還遇武陵人

閩妓周氏



贈陳筑

夢和殘月過樓西  
月過樓西夢已迷  
喚起一聲腸斷處  
落花枝上鷓鴣啼

譚意哥

寄外

瀟湘江上探春回  
消盡春冰落盡梅  
願得兒夫似春色  
一年一度一歸來

楚娘

桂花

丹桂迎風蓓蕾開  
摘來斜插竟相偎  
清香不與羣芳並  
仙種原從月裏來

謝金蓮

答趙生紅梨花詩

本分天然白雪香  
誰知今日却濃妝  
鞦韆夜落溶溶月  
羞覩紅脂睡海棠

梁意娘

述懷

踪跡浮萍落五湖  
一番相別一番孤  
不知此去從何處  
還許春風得見無

盧政議

絕句

十月都門風薄衣  
搗砧聲裏鴈南飛  
野人不識長安樂

且趁鱸魚一棹肥  
劉跛子  
與客飲市橋

與客飲市橋

遷客湖湘召赴京  
車輪迎逐一何榮  
爭如與子市橋飲  
且免人間寵辱驚

刁氏子

竹馬

小兒騎竹作驕騮  
猶是東西意未休  
我已童心無一在  
十年渾付水東流

吹角老兵

題譙樓

畫角吹來歲月深  
譙樓無古亦無今  
不如歸我龍山去  
松竹青青何處尋

番陽布衣

書中山驛

回頭四十九年非  
無賴秋光滿客衣  
可惜吳中蓴菜好  
陸機張翰不同歸

無名氏

白鶴觀壁詩

仙人未必皆仙去  
還在人間人不知  
手把白髦從兩鹿  
相從聊問姓名誰

栖雲閣詩

倚天危閣貼重岡細路縈紆石磴長曲礪碧流疏宿雨  
夾山紅葉助斜陽

汧流館中詩

簾捲窗穿戶不扃隙塵風葉亂縱橫幽人睡足誰呼覺  
欹枕牀前有月明

裴公亭詩

裴相亭成未退身空煩舞袖與歌塵至今亭上蕭蕭竹  
似對西風怨主人

題金鰲山善齊寺

牡蠣灘頭一艇橫夕陽多處待潮生與君不負登臨約  
同上金鰲背上行

題朝京路經詩

白塔橋邊買地經長亭短驛甚分明如何祇說臨安路  
不數中原有幾程

河亭

穀雨初晴綠漲溝落花流水共沈浮東風莫埽榆錢去  
爲買殘春更少留

采蓮曲

南北湖亭競采蓮吳娃嬌小得人憐臨行折得新荷葉  
却障斜陽入畫船

呈杜祁公

昨夜雲中羽檄來按兵誰解埽塵埃長安有客面如鐵

為報君王早築臺

回山人

題東林沈氏壁

西鄰已富憂不足東老雖貧樂有餘  
白酒醲來緣好客黃金散盡為收書

湘妃

題廟壁

碧杜紅蘅縹緲香冰絲彈月弄新涼  
峰巒向晚渾無似九處堪疑九斷腸

散花天女

戲秦少游

不知水宿分風浦何似秋眠惜竹軒  
聞道文章妙天下廬山對面可無言

女仙

絕句

柳條金嫩不勝鴉青粉牆邊道韞家  
燕子未來春寂寞小窗和雨夢梨花

松影侵壇琳觀靜桃花流水石橋寒  
東風吹過雙蝴蝶人倚危樓第幾闌

屈曲闌干月半規藕花香澹水漪漪  
分明一夜文姬夢只有青團扇子知

成都月中婦人

九月中口占

舊時衣服盡雲霞不到仙家不是家今日樓臺渾不識  
 只餘古木記宣花  
 小雨廉纖梅子黃晚雲收盡月侵廊樹陰把酒不成醉  
 何處無情枉斷腸  
 高麗國王王徽

高麗副使韓繳如

占雲館馬上持玉帶贈館伴使葉少蘊且於笏

上書一詩相別

泣涕汎瀾欲別離此生無復再來期謾將寶玉陳深意  
 莫忘故人見物時

王紳

宮詞

平明彩仗幸琳宮紫府仙童下九重整頓瓏璵時駐馬  
 畫工闡地貌真容

御選宋詩卷第七十五

御選宋詩卷第七十五仙家不是家今日樓臺淨不

只餘古木記宣花

小南樓鐵梅子黃院雲收盡月侵廊樹陰把酒不成醉

畫工聞此豈真容

十州深處幸林宮紫氣孤山童下火重壘時難與却銀黑

宮殿

應是王輪正契丹一年朝貢幾多般移身忽到京華地

長忌對人具狀却

上第成闕於陽輜此坐無虧再來棋鬪殊寶王刺彩意

上書一掃財限王無謂能佳使若少望且於

御選宋詩卷第七十六目錄

六言詩兼三首

邵雍一首首

司馬光二首

王安石二首

文同九首

蘇軾十六首

賀鑄三首

郭祥正一首

黃庭堅六首

張耒一首首

彭汝礪七首

李之儀三首

蘇庠一首

謝邁二首

鄒浩二首

唐庚三首

李彌遜二首

周紫芝十首

呂本中三首

六陳與義三首

陳淵三首

御選宋詩 卷之六 目錄

朱棹二首

鄭樵一首

范浚三首

范成大三十首

陸游十四首

楊萬里一首

張孝祥一首

朱熹四首

張栻六首

何異二首

王十朋二首

王阮一首

陸九淵二首

陳造五首

姜特立二首

姜夔三首

查元章一首

樓鑰一首

劉宰二首

岳珂二首

周文璞二首

劉學箕二首

葉茵一首

方岳二首

周弼三首

林希逸四首

李曾伯二首

朱繼芳二首

劉辰翁一首

文天祥二首

林景熙二首

陳普十首

葛長庚四首



惠洪七首

斯植一首

羅浮狂客一首

紅衣宮女一首

御選宋詩卷第七十六

六言詩一

邵雍

四賢吟

彥國之言鋪陳晦叔之言簡當君實之言優游伯淳之言條暢四賢洛陽之望是以在人之上有宋熙寧之間大為一時之壯

司馬光

陪張龍圖南湖暑飲

紅旆縈林却轉瓊筵就水重開荷香著衣不去竹色映酒遙來

樓船激濫輕浪鷗鷺繽紛滿天清歌久之未度畫梁塵  
落芳筵

坐中呈鮮于子駿范堯夫

微雨未妨行樂薄寒却解留花今日且游小圃明朝更  
向誰家

王安石

題西太一宮壁

柳葉鳴蜩綠暗荷花落日紅酣三十六陂流水白頭想  
見江南

西太一宮樓

草際芙蓉零落水邊楊柳欹斜日暮炊煙孤起不知魚

網誰家

文同

送王晦叔

燕尾歸艎正穩鴨頭春水方深不得同搖楚棹與君齊  
到山陰

郡齋水閣閒書

獨坐

不報門前賓客已收案上文書獨坐水邊林下宛如故  
里閒居

湖橋

湖橋北頰花塢水閣西頭竹村霏霏薄霧紅暖漠漠輕

煙翠昏

推琴

點點新萍帖水濛濛亂絮縈風盡日推琴默坐有人池  
上亭中

靜觀

十許紋魚弄水一雙花鴨眠沙靜觀只恐驚去無語憑  
欄日斜

亭館

亭館脩脩度日園林寂寂經春且遮新笋誇客莫埽殘  
花悶人

蓮子

綠實填房未滿黃茸繞殼方開爲問因誰勸酒一時齊  
側金杯

翡翠

見諸長喙須避得少纖鱗便飛爲報休來近岸有人愛  
汝毛衣

北岸

曲榭紅蕖影上圓菴綠篠陰中門外何人會畫故來寫  
作屏風

蘇軾

仲元貺王元直自睂山來見余錢塘留半歲旣  
行作絕句五首送之

仲君豈弟多學王子清修寡言病後空驚鶴瘦時來或  
作鵬騫  
海角煩君遠訪江源與我同來剩作數詩相送莫教萬  
里空回

三人一旦同行留下高齋月明遙想扁舟京口尚餘孤  
枕潮聲

更欲留君久住念君去國彌年空使犀顱玉頰長懷髯  
舅淒然  
爲余遠致殷勤瑞草橋邊老人紅帶雅宜華髮白醪光  
泛新春

西太一見王荆公舊詩偶次其韻二首

秋早川原淨麗雨餘風日清酣從此歸耕劔外何人送  
我池南

但有尊中若下何須墓上征西聞道烏衣巷口而今衰  
草萋萋

憶江南寄純如

湖目也堪供眼木奴自足爲生若問三吳勝事不惟千  
里萼羹

人在畫屏中住客依明月邊遊未卜柴桑舊宅須乘五  
湖扁舟

生計曾無聚沫孤踪漫有清風治產猶嫌范蠡攜孥頗  
笑梁鴻

奉敕祭西太一和韓川韻

聖主新除祕祝侍臣來乞豐年壽宮神君欲至半夜靈風肅然

玉璽親題御筆金童來侍天香禮罷祝融驂乘前驅已過衡湘

解劔獨行殘月披衣困卧清風夢蝶猶飛旅枕竹魚已響枯桐

陂水初含晚淥稻花半作秋香阜蓋却迎朝日紅雲正繞宮牆

次韻劉景文送蒙仲

誰識天閑老驥不爭日暮長途送盡青雲九子歸去扁

舟五湖

五字古原春草千金漢殿長門經緯尚餘三策典刑留與諸孫

賀鑄

馬上重經舊遊

淺淺東流宛溪當年罷酒分攜認得橋邊楊柳春風幾度鴉啼

題惠崇畫扇二首

梅花雪雀

春雪霏霏晚梅抱枝寒雀培塿隴下有人腸斷爲銜芳信東來

秋水蘆鴈

塞南秋水陂塘蘆葉蕭蕭半黃直北飛來鴻鴈端疑箇  
是瀟湘

郭祥正

南豐道中

前溪淡淡日落後山靄靄雲歸桃花不知客恨一片飛

上征衣

黃庭堅

題灑峰閣

徐老海棠巢上

徐陰樂道隱於藥市中家有海棠數株結巢其上時與客巢飲於其上

王翁主簿峰菴

王道入參禪四方歸結菴於主簿峰上嘗有毛人至其間問道

梅蕊破顏冰雪緣叢不見黃甘

次韻公擇舅

昨夢黃梁半熟立談白壁一雙驚鹿要須野草鳴鷗本

願秋江

有惠江南帳中香者戲贈

百煉香螺沈水寶熏近出江南一穗黃雲繞几深禪想

對同叅

題鄭防畫冊

惠崇煙雨歸鴈坐我瀟湘洞庭欲喚扁舟歸去故人言

是丹青

徐生脫水雙魚吹沫相看晚圖老矣箇中得計作書遠

寄江湖

折葦枯荷共晚紅  
榴苦竹同時睡  
鴨不知飄雪寒  
雀四顧風枝

張耒

登山望海

鳥去蒼煙古木人  
歸綠野孤舟信美  
雖非吾土消愁且  
復登樓

彭汝礪

擬田園樂

買田何須近郭作  
屋却要依山青松  
共我終始白鳥隨  
人往還

春酒家家初熟  
春花處處光輝  
看花更攜酒去  
酒醉却

插花歸

步月溪頭置酒  
野草不妨醉眠  
百歲獨多暇日  
萬家共樂豐年

山色依雲閣  
淡溪聲漱玉玲瓏  
孤笛醉吹明月  
扁舟卧釣秋風

霜寒禾黍初熟  
日落牛羊自歸  
樂事須還田舍  
浮名不入柴扉

蘆花

風起蘆花散雪  
紛紛故著枯槎  
曉日曠曠照處  
十分認作梅花

沙柳

沙陲祇見塵土柳色如逢故人憶著千條萬葉金明馳道青春

李之儀

次韻子春

款步昔陪下澤劇談今愧高流又喜秋來相見暫同南陌東丘華屋暫離星斗滄江歸弄波濤可得遽傳來信便須却整還舸  
早日能詩傳喜新來投筆從班身世且依魏闕煙雲休戀鍾山

蘇庠

王文孺草堂

笛弄松江明月蓑披笠澤歸雲若話青霄快活五侯何處如君

謝邁

題陳陽樹石

解寫枯松潤石陳陽筆意名家弟子蔡規今老古人王宰何加

集菴摩勒園觀李伯時畫陽關圖以不能捨餘習偶被世人知爲韻得人字賦六言

摩詰句中有眼龍眠筆下通神佳篇與畫張本短紙爲詩寫真渭城偶落吾手小圃傳觀衆賓坐上宴如居士



暗中摸索誰人

鄒浩

泛舟

風淨一奩水鏡雲開兩行山屏白鷺亦知人意飛來佇立寒汀

林垓驛壁間有詩因用其韻

日轉山亭寂寂夢迷蝴蝶雙雙何獨淵明寄傲吾今亦是南窗

唐庚

六言詩

幾年持鉢天外晚歲結菴海隅頭白親逢孔墨眼生初

識楊盧

煙合家煨老酒風腥船過鹹魚丁米獨遺遷客尚天不數僑居

赴益昌

豈有登臺袞袞謾令去國遲遲南越纓方欲請北山文莫相移

李彌遜

次韻巖起綠萼梅

枝上未聞睨睨杯中初薦屠蘇誰遣雲英萼綠臨風搖曳輕裾

太清不著微雲冰雪精神占春詩老自知風格淺紅未

卸選宋詩

卷七六

唐庚

李彌遜

周紫芝

九

可驕人

周紫芝

東窗對雪

擁鼻駝裘不暖澆腸蟻榼還空助我茶甌玉雪煎成石  
鼎松風

睡起山驚堆玉詩成研欲敲冰飄瓦莫嫌碎點打窗留  
伴孤燈

書淳師房二首

茗椀要看三昧齋盃來飯伊蒲坐對禪房花木夢成午  
枕江湖

罌粟湯翻白雪梅花句嚼春冰助我看山老眼借君倚

壁枯藤

韋深道寄茗雪舟中六言

畫舸一帆煙浪薰風十里荷花更著千巖萬壑相隨泛  
宅浮家

韋郎無意剪白次山亦漫爲官要遣茗溪風雨飽君筆  
下波瀾

滿眼紅妝迎笑昔年燕客經行忽得風前麗句似聞蓬  
底波聲

我作三吳短夢小安近水茅茨解養能言鴨子閒看似  
酒鷺兒

題徐季功畫墨梅木犀二首

夜色無人能畫徐郎挽上寒枝髣髴孤山盡處黃昏月到花時

細雨欲催秋晚幽香已著寒枝似我江南九月西風馬上歸時

呂本中

泗上贈楊吉老

杯中蛇去無恙醉裏詩成有神相逢不及世故長年倍覺情親

置王坦之膝上著陳長文車中何似維摩丈室蕭然一榻清風

雪

窮巷無人對雪小詩自可逃禪看取一年三白喜歡共入新年

陳與義

六言二首

莫賦澗松鬱鬱但吟陂麥青青爲婦讀劉伶傳教兒書甯戚經

種竹可侔千戶擁書不假百城何必思之爛熟熟官無用分明

不見梅花

荆楚歲時經盡今年不見梅花想得蒼煙玉立都藏江上人家

上人陳淵

錢塘學中寄伯思

門外鶯驚短夢窗間雨送清寒亦有惜春情緒分明不  
奈花殘

點點榆錢委砌冥冥柳絮穿簾日暖野禽爭食紛綸忽  
隨危簷

劔外庭闈底處苔溪水月彌深綠草年年離恨白雲日  
日歸心 六言二首

朱棹

折山道中六言寄湧翠上人

折山有路可上他日雲藏萬家用處何曾觸石一禪指

頂天涯

雲鬢網橫危磴日沈舟泊平沙款乃一聲歸去炊煙邊  
起蘆花

鄭樵

漫興

初秋一雨新涼子夜長吟未央堦下花枝冷豔堂前佛  
火微茫

范浚

冬日行蘭溪道中

雲頑欲雪不雪梅凍將花未花荒草狹蹊山路斷橋流  
水人家

瑟縮鴉棲古樹聯拳鷺立回塘水際風低白葦隔村時  
見牛羊

春日行蘭溪道中

遠草連雲碧積繁花照日紅  
酣信馬貪看春意不知錯  
過村南

范成大

題如夢堂壁

勃姑午啼喚雨鴨鳩曉轉留春片雲不載歸夢兩鬢全  
供客塵

曉起

簾額繡波蕩漾燭盤紅淚闌干夢裏五更風急愁邊一

半春殘

再游上方

僧共老花俱在客將春鴈同回范叔一寒如此劉郎前  
度曾來

題畫卷

秋晚黃蘆斷岼江南野色連天日色微明漁網鴈行飛  
入蒼煙

宿牧馬山勝果寺

佛燈已暗還吐旅枕纔安却驚月色看成曉色溪聲聽  
作松聲

從聖集乞黃巖魚鮓

御選宋詩

卷七上 范成大

七

截玉凝膏膩白點酥黏粟輕紅千里來從何處想看船  
浪帆風

月色朧明碧瓦蠟煙浮動黃簾罨騎飈輪欲下一天飛  
霰纖纖

行道羽衣縹緲捲班玉佩冬瓏回首金鋪獸面步虛聲  
在天風

再雪

銀竹方依檐住瑤花又入簾窺一白本憐麥瘦重來應  
爲梅遲

次韻舉老見朝未歸石湖

半世吟客舍柳長年憶後園花爲報廬山莫笑雲丘今  
屬誰家

曉枕

煖湯聽成萬籟添被知是五更陸續滿城鐘動須臾後  
巷雞鳴

舒慘常隨天氣關心窗暗窗明日晏扶頭未起喚人先  
問陰晴

不寐

春宵似暖非暖晚夢欲成未成風竹時驚雀噪月窗誰  
伴梅橫

園丁折花七品各賦一絕

錄三首

壽安紅深色粉紅多葉易種且耐久

豐肌弱骨自喜醉暈妝光總宜獨立風前雨裏嫣然不  
要人持

不疊羅紅開遲旬日始放盡

襞積剪裁千疊深藏愛惜孤芳若要韶華展盡東風細  
細商量

崇寧紅

勻染十分豔絕當年欲占春風曉起妝光沁粉晚來醉  
面潮紅

積雨作寒

壓屋雨雲晝暗環城霖潦夏寒西池半沒荷柄南蕩平

沈艾盤

熨帖重尋毳衲補苴盡護紙窗餘生雪鬢禪榻作夢雲  
帆漲江

題請息齋

洞門晝挂鐵鎖閣道秋生綠苔著下畧同龜伏瓜中且  
免蠅來

園丁以時白事山客終日相陪竹比平安報到花依次  
第折來

初秋閒記園池草木

莪葵爛紫終陋蒼葡媽黃亦香醫俗賸延竹色療愁催  
拆萱房

牛牽碧蔓自繞雞聳朱冠欲爭菱葩可泛伯雅蓼節偏  
宜麴生

旱地蓮花嬌小水盆梔子幽芳薇帳半年春豔桂叢四  
季秋香

醉憐金瑣齊側卧看玉簪對橫腥水留灌末利結香旋  
薰素馨

題黃居采雀竹圖

羣雀歲寒保聚兩鷄日晏忘歸草間豈無餘粒刮地風  
號雪飛

蔓花露下凝碧叢竹秋來老蒼噪雀羣爭何事么禽自  
轉清篁

立春興李太人詠寒林舍北  
綵勝金旛夢裏茶槽藥杵聲中索莫兩年春事小窗卧  
聽東風

苦寒草回讀畫上青山萬里  
簷冰低挂闌角隙雪斜侵坐隅春後一寒如此梅花有  
信來無  
書事  
思南嶼小益之間

爨婢清淘酒米園丁催算花錢如許日生公事誰云窮  
巷蕭然  
簡子約同湖棹周郎許過田廬碧雲日暮空合多病故  
人遂疎



陸游

烏有翁邊貰酒無何鄉裏尋花把定東風一笑今年別  
是生涯  
愁坐忽思南鄭小益之間

當年蜀道秦關萬里飄然往還酒病曾留西縣眼明初  
見南山  
籌筆門前芳草回龍道上青山萬里猶能夢到再遊未  
信天慳

舍北閒望  
潘岳一篇秋興李成八幅寒林舍北偶然倚杖盡見古

人用心

感事

早歲已歸南陌暮年常在東籬短衣幸能掩脛長劔何  
須挂頤  
高岸眼看爲谷寸根手種成陰一卷楚騷細讀數行晉  
帖閒臨

六言

愛馬能成一癖結髦可忘百憂我亦時時自笑開編萬  
事俱休  
風細飛花相逐林深啼鳥移時寒至旋開新茗僧來未  
拾殘碁

卸選宋詩

卷七

陸游

七

覓飽如籌大事擁書似墮重圍誤喜敲門客至出看啄  
木驚飛

香煙觸簾不散燈燄無風自搖獨倚蒲團寂寂忽聞山  
雨蕭蕭

夏日

退士自應客少幽居不厭椽低未說盤堆玉膾且看白

搗金糝

醉面貪承夕露釣竿喜近秋風借問孤舟何處深入芙

蕖浦中

溪漲清風拂面月落繁星滿天數隻船橫浦口一聲笛  
起山前

我是百年遺老埽空一夢浮名未到終南二華且入天  
台四明

楊萬里

宴客夜歸

月在荔枝梢上人行茉莉花間但見胸吞碧海不知身  
落南巒

張孝祥

遊湖山贈圓禪

素香無脂粉氣好語諧韶濩音有人問西來意門前秋  
水沈沈

朱熹

觀劉氏山館壁間所畫四時景物各有深趣因  
爲六言一絕

絕壑浮雲冉冉層巖日影重重釋子巖中晏坐行人雪  
裏迷蹤

觀祝孝友畫卷爲賦六言一絕

春曉雲山煙樹炎天雨壑風林江閣月臨靜夜溪橋雪  
擁寒襟

鉛山立春

雪擁山腰洞口春回楚尾吳頭欲問閩天何處明朝嶺  
水南流

行盡風林雪徑依然水館山村却是春風有脚今朝先

到柴門

張栻

次韻周畏知問訊城東梅塢

城東幽事如許一見定勝百聞苦雨斜風無奈斷橋流  
水餘芬

春意新回庭樹角聲暮起江城更著水僊爲伴真成難  
弟難兄

堤上已垂新柳屋邊尚有殘梅雪盡春生湖水野航竟  
日悠哉

芭蕉茶送伯承伯承賦詩三章次韻

與子藝蘭九畹勝渠賜璧一雙更碾春風白雪同看明

卸選宋詩

卷七十六

張栻 何異

七

月清江  
正色可參官焙妙香還近嵇山草木叢中清絕天教散  
在人間  
春去雲藏嶽麓梅黃雨漲昭潭正爾倚闌無那一甌喚  
起清談

何異

控巴臺詩

閱武弓刀勁利留賓歌舞清妍紅暎連檣燈火翠浮隔  
岸人煙  
臺上小留歸客臺前穩繫扁舟三宿翠微閣上一程白  
帝城頭

王十朋

元章至萬州湖灘六言一絕次韻寄元章  
遙碧峰尖如削輕紅荔臉初酣水漲江天渺渺故人一  
葉西南

出州宅

官居到處郵傳歲月驚人電飛惆悵同來德耀故鄉不  
與同歸

王阮

六言一首

秋色染成碧水夜涼瘦落青山樹頭宿鳥歸盡天外行  
人未還

御選宋詩

卷七

王十朋 王阮 陸九淵 陳造

二

陸九淵

巧轉風臺急筦清逾石澗回溪好去枝枝驚夢無人心  
到遼西

子規

柳院竹齋茅店雲蕪風樹煙溪聽徹殘陽曉月不論巴  
蜀東西

陳造

銅官道中  
人家自瀾新茗山路行衝翠嵐今日供人行行李向來夢  
裏江南

盡日巉巖峻陟有時罷亞橫陳看雲不妨拄笏耦耕定  
自知津

題野渡風煙圖

畫師毫素筌蹄波光野色淒迷舟艤樹陰欲動魚驚帆  
影應低

羅提舉見和再用韻

紫沈初炷爐香青章已達寥陽當有碧玉宮使叱起河  
瀕卧羊

靈姻傳載所牧  
羊皆雷雨神

皖皖水芝照影娟娟風柳受梳何日詩成喜雨凭闌客  
意凌虛

姜特立

御選宋詩 卷七 陳造 姜特立 姜夔

石盆水窠

數葉玉簪敷翠一拳水石含秋何須坐我濠濮自覺心  
清境幽

六言

康樂尋山伐木子猷愛竹扣門我已煙霞痼疾每逢佳  
處開尊

姜夔

金神夜獵圖

夜半金神羽獵奔走山川百靈雲氣旂旗來下颯然已  
入青冥

次韻鴛鴦梅

晴日小溪沙暖春夢憐渠頸交只怕笛聲驚散費人月  
詠風嘲

詠風嘲

漠漠江南燕語于飛似報初春折過女郎山下料應愁  
殺佳人

查元章

寄梅溪

滿目暮山平遠一池雲錦清酣忽有鐘聲林際直疑夢  
到江南

樓鑰

六言問天池寶華

昔年曾賦虎丘猶恨靈巖未遊天池之景絕勝寶華有

能以新詩寄不天  
水倒流老矣不復西去夢入陶朱扁舟煩君爲我尋訪

劉宰

題真州廣惠倉倉即故船場居南樓及天寧寺  
後中有大池塔影浸其中  
浙浙風搖叢葦霏霏雨弄新晴坐對江南山色往來無限離情

塔影參差波面歌聲宛轉樓頭已負少年行樂更輸衲

子清幽

岳珂

塔燈

中天半倚寥泬大帝高居鬱蕭已訝流鈴擲火還疑絳  
節來朝

碧落星移象緯紅光影射蛟宮甲煎千門初啓明珠九  
曲先通

周文璞

望茅山

羽衣藥叟歡迎手持蘭花共行從此十年不調可能久  
視長生  
蔣家兄弟清古著書互相推宗搏土劃沙戲劇穿岡度  
嶺從容

劉學箕

東屯莊監秤

讀書不執箋注治生奚用豐財詩吟一首兩首酒飲三  
杯五杯石田茅屋無恙不與亂生蒼苔  
割盡黃雲萬頃春成玉粒千倉出甌香粳滿舍厭糟新  
酒盈垆田家慙愧時熟官賦催徵可償

葉茵

試問

在在江湖蘆葦家家楊柳樓臺試問燕鴻心事為誰飛  
去飛來

方岳

趙玉汝自作戲墨見寄各題六言其上

鵝鳩

村北村南雨暗舍東舍西水生去婦復還何日煙蓑處  
處春耕

脊令

水落寒塘初冷霜倒枯荷半傾莫倚尾能涎涎踏沈一  
片秋聲

周弼

歲除思歸

山妻書到多日野渡舟橫幾回想見溪邊亭上故人待  
我銜杯

春風冰斷千尺曉霽雲開百重何處溪橋爭渡誰家山



寺聞鐘

野屋定堆落葉山徑應鋪石蕪一別經秋不到隔籬黃  
犬誰呼

林希逸

物理

羊螳不如魚計鴻鵠肯比鴈謀爲問折腰五斗何如散  
髮扁舟

杜鵑前身名字胡蝶夢境爲周至理但觀物化吾心自  
有天遊

醯雞甕中世界蜘蛛網上天機他心我心壹是大知小  
知俱非

蚯蚓兩頭是性桃花一見不疑了得葛藤三昧却參茅  
苜諸詩

李曾伯

全州道間

竹裏幾椽茅屋門前一樹桃花布袖蒿簪笑語雞豚社  
酒山家

巷陌高題儀鳳橋梁橫卧長虹十里江山福地滿城桃  
李春風

朱繼芳

溪村

檉柳正當官道漁舟偏繫柴門今年春水深淺看取層

層岸痕

漁翁

漁翁家在何許慣宿蘆花不歸昨夜江村欲雪百錢買得蓑衣

劉辰翁

春歸

留春一日不可種樹十年未成芳草斷腸花落綠窗攜手鶯聲

文天祥

山中

兩兩漁舟搖下雙雙紫燕飛回流水白雲芳草清風明

月蒼苔

風煖江鴻海燕雨晴簷鵲林鳩一段青山顏色不隨江水俱流

林景熙

六言

沙鷗對立機外胡蝶相逢夢中帆去帆來野水花開花落春風

流水獨吟花徑好山重約雲門茶甌疎竹孤寺桐角斜陽遠村

陳普

野步十首

文天祥

林景熙

陳普

三

南鴈數聲嘹唳西風雙鬢鬢髮病葉夕陽滿樹斷雲殘  
雨歸巖

瀟灑枯藤老屨行行只復行行泥路野人屐跡石橋流  
水琴聲

黃犢眼中荒草鷺鷥立處枯荷宦海風濤舟楫故山煙  
雨松蘿

愁思冥鴻杳杳吟情敗葉紛紛歸去滿身溪雨醉眠半  
枕山雲

白日長繩難繫青帘濁酒堪賒歸鶴蒼山雲際故人錦  
字天涯

紅葉林風颯颯蒼苔徑雨斑斑人跡石邊流水樵歌鳥

外青山

流水數株殘柳西風兩岸蘆花荒草客愁遠道夕陽牛  
帶歸鴉

按步緩尋幽草揚睂一望平林鳥影漁磯日暮荳花村  
屋秋深

幾處漁樵石路數家雞犬柴門竈屋殘煙杳靄溪流淡  
月黃昏

木葉西風古道梅花北壠新田流水美人何處夕陽荒  
草連天

葛長庚

酒惡頻將花嗅睡，酣便把茶澆。秋到梧桐枝上，夜來風雨瀟瀟。

秋雨織愁成段，暮雲過眼生花。棲鳳亭中寂寞，武夷舊有仙家。

冬夜巖居

回首青鸞何處，長空萬里蒼煙。中酒梅花月夜，懷人松籟霜天。

午睡

簾織湘筠似浪，帳垂空翠如煙。一片睡魂驚散，綠槐高處風蟬。

惠洪

留贊大登控鯉亭望孤山

水面微開笑靨，山形放作橫陳。彭澤詩中圖畫，爲君點出精神。

李端叔自金陵如姑谿寄之

月下一聲風笛，尊前萬頃雲濤。玉堂他年圖畫，卧看今日魚舠。

余游鍾山宿石佛峰下因上人自歸宗來贈之

曾共故山寒食，忽驚廬嶽重陽。想見洞庭橘柚，纍垂又出青黃。

却度來時危徑，斷崖落照孤煙。分手更無可奈，相看只有淒然。

西風夜吹客夢霜清更入鍾山且作跳魚縱壑會看倦  
鳥知還

贈瀉山湘書記二首

山學春愁眉黛水如含笑花香睡起憑高凝睇淺紅數  
筆殘陽

住山心已老大看雲情轉虛閒東華軟紅縱好無因飛

到窗間

斯植

春晚

滿地落花流水傷心芳草青時江上數聲杜宇更堪一  
笛橫吹

羅浮狂客

六言

雲意不知滄海春光欲上翠微人間欲隨千劫猶探梅  
花未歸

紅衣宮女

羣帶間六言詩

百疊漪漪水皺六銖縱縱雲輕直立含風廣殿微聞環  
佩搖聲

御選宋詩卷第七十六

周詩體

百疊帶帶入嫌不接始知雲錦直上合風飄煥林蘭

雲帶問不言

不宮女

亦未體

雲意不吹食氣春大冷上翠嶺人間谷留平休辭林

不言

羅公瑛客

御選宋詩卷第七十七目錄

雜體詩一

孔平仲宿名體一首卦名體一首

朱熹十二辰體一首

方岳十二辰體一首

孔平仲人名體三首

陳造人名體一首

方岳人名體一首

孔平仲郡名體一首

陳亞藥名體一首

王安石藥名體二首

馮山藥名體一首

孔平仲藥名體十二首

黃庭堅藥名體八首

周紫芝本草詩一首

戴昺藥名體一首

梅堯臣禽言四首

陸游禽言四首

朱熹禽言五首

戴昺禽言五首

劉學箕禽言七首

方岳禽言二首

姚勉禽言四首

鄧光薦禽言一首

孔平仲建除體一首

黃庭堅建除體一首

晁補之建除體一首

陳與義建除體一首

范成大建除體一首

方岳建除體一首

孔武仲數詩一首

孔平仲八音體四首

晁補之八音體一首

陳與義八音體一首

方岳八音體二首

孔平仲四聲體一首

鄭剛中平字詩一首

蘇軾一字韻體一首

劉敞疊韻體一首

陸游疊韻體一首

孔平仲藏頭體二首藥名離合體四首

劉敞迴文體一首

王安石迴文體一首

蘇軾迴文體八首

朱長文迴文體一首

周知微迴文體一首

李彌遜迴文體一首

王阮迴文體一首

宋伯仁迴文體二首

李濤迴文體一首

方岳迴文體一首

陳希聲迴文體二首



東坡詩一首  
 六一詩一首  
 李商隱詩一首  
 宋詩一首  
 王詩一首  
 李商隱詩一首  
 周詩一首  
 宋詩一首

御選宋詩卷第七十七

雜體一

孔平仲

二十八宿名寄芸叟

張公角立誰敢肩  
 亢宗自許英妙年  
 捕逐氐羌先著鞭  
 文房餘思如湧泉  
 題詩寫心蟠遠煙  
 黑蛟矯尾明秋淵  
 南箕吐舌風墮鳶  
 弱羽斗落柳江邊  
 蝸牛客舍弔影眠  
 寒女晚嫁私自憐  
 誰知虛實久粲然  
 安危之理有循環  
 歸來藏室閱青編  
 東辟步武追神仙  
 繡衣白簡猶奎躔  
 體健不服婁金丸  
 腸胃充實頗骨堅  
 昴宿老人飛上天  
 志願未畢西餽邊  
 野鶴礪背不啄羶  
 曾參殺人始誤傳

賞花墜井皆妄言載鬼一車疑已捐人欲折柳送公船  
去同衆星還紫垣張公張公人最賢丹鳳奮翼蔚高騫  
更調玉軫續薰絃

孔平仲

卦名寄芸叟

小豐猶可喜况此大有年流庸已歸復獄訟久蕭然明  
聖臨六合吁俞萃羣賢乾坤協氣滿井邑歡聲連張公  
性謙靜玉節鎮湘孺茂舍富暇豫鈴齋恒晝眠萬家人  
悅喜鄰壤蒙安全譬如泰山雲益此涸轍泉我鄙無所  
解昔隨公得仙超升已連帥羈旅今華顛屬郡損末禮  
郵筒賁新篇坎坎我鼓腹咸韶愧朱絃睽乖每自念妬

遇兩何緣野色小過雨秋聲漸號蟬園林淒剝落樓觀  
蔚騰騫曳履煙景外支頤嵐翠前嘗聞東晉士多問遠  
師禪盛世非否塞微生自屯遭廬岳決遯去老夫無妄  
言迹同人間世心鍊鼎中鉛流俗若飛蠱困途多墮鳶  
相需緱嶺上一比洪崖肩

朱熹

讀十二辰詩卷掇其餘作此聊奉一笑

夜聞空篔簹齧飢鼠曉駕羸牛耕廢圃時才虎圈聽豪夸  
舊業兔園嗟莽鹵君看蟄龍卧三冬頭角不與蛇爭雄  
毀車殺馬罷馳逐烹羊酤酒聊從容手種猴桃垂架綠  
養得鷓鴣鳴角角客來犬吠催煮茶不用東家買猪肉

方岳

次韻十二辰體二首

錄一首

鼠技易窮誰比數  
牛衣正可眠  
春雨虎窺九關高  
莫捫兔禿千毫老  
無補龍嬰鱗  
逆事可驚蛇  
畫足添心獨苦  
馬寧垓下困鹽車  
羊勿夢中翻菜圃  
沐猿從爾楚人冠  
荒雞寧起劉郎舞  
狗監無煩誦子虛  
豕亥縱分吾不取

孔平仲

人名詩和蕭十六

式微子歎歸期滯  
疎鍾皓月僧窗睡  
滿郭丹楓已送秋  
李白桃紅春又至  
綠楊朱戶鎖娉婷  
燕趙壹笑誰相視  
紅顏回眄能溺人  
有若大川無際涘  
吾曹操行薄雲天

去險就平當擇地  
嚴君平昔教諸子  
肯向贛江爲此事  
勿捐仁義縱歡娛  
力與主張興廢墜  
不才彊使酬杜詩  
搦管能令言鄙志

承芸叟寄示新詞一篇以此寄謝楊子云書亦

有色乎此亦書之色也

婦人名

綺羅敷色新出機  
嵩洛神秀鍾妙詞  
關西子弟多習武  
博學能文君最竒  
日下無雙成器早  
少小玉立誰瑕疵  
天王母后親選擢  
抱道韞德將發施  
朝中議論太真樸  
湖南威鳳翅小垂  
屈申后先皆有數  
此理昭昭君自知  
芰荷堆綠珠露冷  
蘭杜秋香風正吹  
征鴻南飛燕北去  
晚歲瀟湘君未歸

夜宴曲

婦人名

湘江紺碧玉照秋丹楓紅蓼君莫愁江上女兒花見羞  
吾曹大家行樂休促席相虞美人出羽觴時許飛瓊液  
天明君醉苦相挽肯念奴家隔江遠流蘇小帳屈曲屏  
留連為子都忘返

陳造

程帥以古人名作詩見寄擬作謝之

胃次不平當近酒熱官奮揚肯回首即今羊杜詩中仙  
襄陽城中獅子吼我將仲子趨黃堂孰看畢戰舉旌幢  
筆秦曰筆楚曰畢吳曰不律抗顏路塵旋行役但有魂夢公之傍瀕海作  
宰我漫仕留贊郡符真左計老夫已老子白丁解頤與

言游戲事駢羅隱服芙蓉裳設張翰墨當絲簧敢向青  
山簡奇勝有田肯賣吾倒囊如公端合穆王度不靳尚  
作歸田語蓬萊朱金久已齊還許遠來結鄰否

方岳

山中作人名詩

負郭太幽深結茅容易得雖無桃李園石老松柏直山  
北雨后蒼山南霽雲白荷鋤課諸兒陸續蔬甲拆

孔平仲

郡名詩呈呂元鈞

相人觀久遠要且視資質酒酸本多甘絹敗為少密公  
家渭川後端亮氣不屈播移雖裔土寧妥如舊華優游

歸孔聖坎壈笑趙壹儻來等榮辱所遇順勞佚道閣接  
談賓文房散書帙當其泰定時海宇更無物耳目并已  
忘何心蘄冕黻忽聞韶曲奏更覺巴音失溫純比金玉  
清越勝琴瑟似追少陵步真得建安骨從今益淬厲及  
此舒長日唱酬安敢同心欽但齋栗

陳亞

登湖州銷暑樓

藥名

重樓肆登賞豈羨石爲廊風月前湖近軒窗半夏涼  
青識魚浦芝紫認仙鄉却恐當歸闕靈脾爲別傷

王安石

和微之藥名勸酒

赤車使者錦帳郎從容珂馬留閒坊紫芝看宇傾一坐  
笑語但聞雞舌香藥名勸酒詩實好陟釐爲我書數行  
真珠的皦鳴糟牀金罌琥珀正可嘗史君子細看流光  
莫惜覓醉衣淋浪猶醒至死誠可傷歡華易盡悲酸早  
人間沒藥能醫老寄言歌管衆少年趁取烏頭未白前  
既別羊王二君與同官會飲於城南因用藥名  
體奉寄

赤車使者白頭翁當歸入見天門冬與山久別悲怱怱  
澤瀉半天河漢空羊王不留行薄晚酒肉從容追路遠  
臨流黃昏席未卷玉壺倒盡黃金盞羅列當辭更繾綣  
預知子不空青眼嚴徐長卿誤推挽老年揮翰天子苑

送車陸續隨子返坐聽城雞腸宛轉

馮山

效皮陸體藥名詩寄李獻甫

半夏勞奔走當歸計未成向烏頭雪白雖遠志澄清白  
屋游偏早青雲夢數驚預知皆係命無患可傷生泉水  
懷鄉國靈仙得古城葳蕤差病力安息媿民情蘭草園  
池靜槐花道路平野翁宜散誕故紙任縱橫問話思黃  
葉論文憶長卿餘糧添甕盜亂髮散簪纓紫萸江山秀  
婆娑桂柏榮佩香餘雨氣桐葉變秋聲險語嘗鈎吻昏  
瞳屢決明鸕鷀閑自酌琥珀向誰傾葺宕官資淺蝶蠅  
活計輕每將蘇子校多謝使君名滿把黃金屑知音白

玉英青箱空聚古敗將敢論兵苦練詩方就旁通筆未  
精前賢如及已海藻願題評

孔平仲

新作西菴將及春景戲成兩詩請李師中節推

同賦

藥名

鄙性常山野尤甘草舍中鈎簾陰卷柏障壁坐防風客  
土依雲實流泉架木通行當歸去去已逼白頭翁  
昨葉何搖落今逢淑景天山椒紅杏火巖石綠苔煙爐  
火沉香燼琴絲續斷絃忍冬寒已徹衰白及長年

再賦藥名

楚澤蘭紉佩蒙泉水洗心荷鋤通草徑戴笠釣藤陰欲

早休陳事須甘遂陸沉謾呈詩藁本李杜若知音  
鬱鬱金舒柳青青黛染槐繁陰庭側柏碎綠井中苔雨  
漏蘆簷破風薰草意回陟釐題短句自洗筆頭灰

再賦藥名

百草霜雪死半天河漢斜竹含輕紫粉梅發淡紅花蘸  
甲香醪醎搔頭垢髻華北亭歡宴罷燈燭夜明沙  
起自然銅鼎烹茶滴乳香深冬灰正冷新臘雪須當我  
意空青眼君才貫衆長唱酬幾百合衰白荷相忘

寄芸叟藥名

未老已前胡不歸何須斑白及衰羸婆娑石上弄明月  
卧看秋風生桂枝

愁雲垂地黃映日壘嶂插空青照樓野菊花開秋又晚  
便當歸去老滄洲

年過半百合歸去謹杜衡門深退藏衰白前途有多少  
使君仔細更思量

七夕一首呈席上

藥名

琥珀杯濃酒味醇鬱金裙轉舞腰新鉛華第一人中白  
歌響幾多梁上塵玉漏將沉香噪斷銀潢雖遠志相親  
合歡促席留君醉最苦參斜夜向晨

蕭器之小飲誦王舒公藥名詩因效其體

蕭郎嘉客近遠志把酒勸賓郎半醉自然同類易相求  
官守從容看無事清晨麥蘖寒有力倒灑金鍾乳花滴

十分蘸甲香且醪不覺昏黃連夜色雀噪烏棲奈晚何  
恩恩白日若飛梭青青百草霜已歇牆陰淺白微經雪  
庭梅香膩粉苞鮮歲律將旋復花發銅壺泣水銅箭短  
漏聲斷續隨風遠起視天南星斗稀蟾蜍已黑牽牛依  
知子多情惜分散山公醕酌自當歸

寄 賈甫寄示與譙冲元唱和藥名詩因作一篇奉

天南星斗垂晶熒麻姑山色排空青人中白看誰第一  
周郎獨以文章名少年折桂心已壯大學弱冠衆所驚  
嚴徐長卿詞格老合上芸臺預讎討赤車使者已為淹  
復令倅郡淮南道蘄春人幸何熙熙有賢史君子副之

鈴閣深沈香一炷綵箋舒卷百篇詩藏鱗伏翼聊展轉  
有才無患子不顯楚澤蘭芳莫謾悲秦烏頭白終當返  
我棲江上松蘿深自甘草芥長陸沈忽忽光景又半夏  
書房風月澄人心昏黃禽噪悄不覺架木通渠清河濯  
雨餘涼風襲衣襟半天河漢垂簷角惟恨與子未從容  
紫芝眉宇何時逢頻以青琅玕寄我不須怙悵白頭翁  
黃庭堅

荆州即事藥名詩八首

四海無遠志一溪甘遂心牽牛避洗耳卧著桂枝陰  
前湖後湖水初夏半夏涼夜闌鄉夢破一鴈度衡陽  
千里及歸鴻半天河影東家人森戶外笑擁白頭翁



天竺黃卷在人中白髮侵客至獨掃榻自然同此心  
垂空青幕六一一排風開石友常思我預知子能來  
幽澗泉石綠閉門聞啄木運柴胡奴歸車前挂生鹿  
雨如覆盆來平地沒牛膝回望無夷陵天高星斗濕  
使君子百姓請雨不旋復守田意飽滿高壁挂龍骨

周紫芝

病中戲作本草詩

長空青雲晝風卷雨餘涼生開病眼垣衣洗雨綠生光  
芍藥翻階紅照晚幽人却掃驚半夏獨杜衡門頗心遠  
提壺勸酒意甚勞花間伏翼終日號大棗如瓜安可得  
竹葉豈宜空蟹螯何當如淮泣石斛天南星移碎紅燭

錦纏更命劉寄奴回雪香柔體如玉人生富貴不早休  
烏頭成白空自愁浩歌自駕木蘭去范蠡實能知遠遊  
君不見赤車使者將君命五加皮幣不少留一朝逐客  
便當去王不留行空淚流又不見浪蕩子長負羈橐石  
下長卿無住著賈論空高遠志孤屈草初成竒禍作何  
如獨活考澗槃不遇自然同此樂嗟余知此解馬銜蝸  
廬僻在陵陽角誰能更朝紫真壇丹砂豈解駐衰顏五  
色神符亦安用菖蒲謾說能引年玉泉泠泠漱虛壑獨  
尋鶴蝨負朝暄故人遠引羈旅夕寒水石畔思清言何  
時從容乃如此煙蓑去作牽牛子生平甘遂丘壑貧常  
有幽懷思洗耳

戴昺

山家小憩效藥名體

柴門通草徑茅屋桂枝間修竹連翹木高松續斷山仰  
空青蔭密掃石綠花斑傍澗牽牛飲白頭翁自閒

梅堯臣

禽言四首

子規

不如歸去春山云暮萬木兮參雲蜀天兮何處人言有  
翼可歸飛安得空啼向高樹

提壺

提壺蘆沽美酒風為賓樹為友山花繚亂目前開勸爾

今朝千萬壽

山鳥

婆餅焦兒不食爾父向何之爾母山頭化為石山頭化  
石可奈何遂作微禽啼不息

竹雞

泥滑滑苦竹岡雨蕭蕭馬上郎馬蹄凌競雨又急此鳥  
為君應斷腸

陸游

禽言

架犁

架犁架犁南邨北邨雨淒淒夜起飯牛雞未啼日暮矻

行遠  
斫行千畦沒足勿恨一尺泥西成收薄汝噬臍

拔筍

拔筍拔筍入箐不辭風雨窘養成會見高拂雲取供口  
腹初不忍獨持兩把慰倚門慈顏一笑如春溫

打麥作飯

老翁老尚健打麥持作飯終歲隴畝間勞苦孰敢怨人  
生為農最可願得飽正如持左券碓舂樵爨小甑香豈  
不勝汝耗太倉

堂前捉績子

堂前捉績子力作忘朝餐鶯黃雪白相照耀插茅作簇  
高如山蠶女採桑至煮繭何暇膏沐梳髻鬟繅成蜀錦

與楚穀舞姝纏頭不論束

朱熹

五禽言和仲衡尚書

提壺蘆

提壺蘆沽美酒春風浩蕩催花柳不用沙頭雙玉瓶鳥  
歌蝶舞為君壽祇今沉醉是君恩昨日之愁愁殺人  
不如歸去

不如歸去孤城越絕三春暮故山只在白雲間望極雲  
深不知處不如歸去不如歸去千仞岡頭一振衣

泥滑滑

泥滑滑泥滑滑秦望雲荒鏡湖闊綠秧刺水水拍堤牙

旗畫舸凌風發使君行樂三江頭泥滑水深君莫憂

脫袴

脫袴脫袴桑葉陰陰牆下路回頭忽憶舍中妻去年已  
逐他人去舊袴脫了却不辭新袴知教阿誰做

麥熟

麥熟吟去年種麥有德音祇今種熟誰快活種者已卧  
宮牆陰仁公有政惠存歿肯使催租更隳突

戴昂

五禽言

提壺蘆

提壺蘆沽美酒人世光陰春電走一日得醉一日閒綠

鬢幾曾俱白首沽酒沽酒有酒沽生前不飲真愚夫

不如歸去

不如歸去不如歸去千山萬水家鄉路今年又負故園  
花來歲開花定歸否歸去歸去須早歸近日江湖非舊  
時

泥滑滑

泥滑滑泥滑滑客路迢迢雨不歇我僕十步九回蹶我  
馬驢駟如跛鼈泥滑泥滑君莫愁秧爛麥損尤堪憂

脫却破袴

脫却破袴脫却破袴蠶熟繰成霜雪縷小姑織絹未落  
機縣家火急催官賦輸了官賦無零落破袴破袴還更

著  
麥熟鍛磨  
麥熟鍛磨  
麥熟鍛磨  
邨南邨北聲相和  
大男小女總欣

欣煮餅蒸糜  
任渠做鍛磨  
鍛磨莫等閒  
去年糠人無得  
餐

劉學箕

七禽詠

貫錢石八豆

貫錢石八豆  
充腸備梁糗  
飽嬉游手兒  
初不事耕耨  
好衣好食街市女  
汗珠滴滴田婦苦  
夫耘婦餉日卓午  
朝夕南山捕蟲鼠

不如歸去

不如歸去  
愁綠怨紅春欲暮  
汝勸行人歸  
行人勸汝住  
鳴聲不住良苦辛  
啼得血流無用處  
不如歸去吾今歸  
千聲萬聲爾何爲

泥滑滑

泥滑滑  
泥滑滑  
前聲住後聲發  
不道去年冬沒雪  
今年春早已三月月如金  
日如血  
大麥小麥盡枯渴  
使君祈禱走阡陌  
汝切勿啼泥滑滑

行不得哥哥

行不得喚阿兄  
向晚夕猶悲鳴  
坦坦之途萬人履  
跛鼈不休跬千里  
汝行不上可奈何  
日暮途遠無蹉跎

姑惡

姑惡姑惡家道立汝為人婦供婦職婦德婦功汝不能  
抱恨歿身空怨抑不化秋柏食不化山頭石化作春鳥  
鳴號呶何苦極

提葫蘆

提葫蘆沽美酒酒美欲沽何處有官醪道遠不可得邨  
釀濃酸難入口况當春暮暄暖初沈浸醲郁醺體膚客  
中醉倒無人扶

早耕早布

早耕早布節物如流春色暮金房土瘠無稻田布耕播  
種去聲種何處一春焦涸旱無雨麥穗藏頭猶未吐麥穗

不吐人不憂粟田再種秋可收只愁夏料欠輸納悍吏  
坐門官不休

方岳

禽言

麥熟

麥熟熟黃雲壓肩堆滿屋大兒燒燧自治穀小兒擷蔬  
歸作粥阿翁飽去摩挲腹柿葉濃陰對黃犢快活一生  
甘碌碌君不見秋崖白頭守殘牘麥雖熟飯不足

不如歸

不如歸燒痕青青春蕨肥茅廬數掩山四圍有秫可釀  
荷可衣世間何地非危機曷不常守西山饑君不見秋

崖無才終不逢長年垂釣煙波中公非熊同不同

姚勉

禽言十詠 錄四首

泥滑滑

黃梅蒸雨已幾時路泥滑滑沒馬蹄前山咫尺似千里  
十步九跌行人疲漫塍白水秧欲老黃雲漸黑麥歌倒  
泥汙后土何時乾天若憐農放晴好

著新脫故

縲車欲動蠶春暮水足秧青行白鷺著新脫故山禽呼  
也似催人闢耕布著新脫故也自竒闢耕闢布也自宜  
冬苗夏絹星火急欲着無新耕亦飢

麥熟也哥哥

晨陰涼潤疑秋肅格磔軻軻叫雲木似催農夫急腰鎌  
邨北邨南麥皆熟屋頭場地初雨乾耒聲拍拍兒童歡  
田家未敢冀一飽父老相呼先了官

提葫蘆沽美酒

晴煙如潑春光濃萬花笑日爭嫣紅白金沽酒直取醉  
有酒不醉孤東風不如遂我豐年願秫米價如黃土賤  
家家有酒不用沽何用提葫苦相勸

鄧光薦

禽言

行不得也哥哥

行不得也哥哥瘦妻弱子羸特馱天長地闊多網羅南  
音漸少北語多肉飛不起可奈何行不得也哥哥

孔平仲

建除一首

建茶一杯午睡起除渴蠲煩無此比滿庭葉落啼野鶯  
平地兩足生春水定心寧息守丹竈執固養和歸赤子  
破須速補勉旃修危可求安灼然理成事何論軒冕貴  
收身早占雲泉美開門納盜誤人多閉關掃軌從今始

黃庭堅

建除重贈徐天隱

建極臨萬邦稽古陛下聖除書日月下有耳家相慶滿

意見昇平父老扶杖聽平生所傳聞似仁祖德性定鼎  
百世長橐弓四方靜執事當在朝官冷殊未稱破帽風  
歌歌簡易不騎乘危顛相扶持泉石共嘲詠成樂澗河  
中傲世以未敬收潦下秋船期公拜嘉命開元命觀事  
身得見全盛閉門長蓬蒿或許老夫病

晁補之

建除體答黃魯直教授

建策移漢都奉春緣衣布除地願見公乃以舍人故滿  
船載明月且復酌清醕平旦襪襠出牛羊下來暮定境  
要兩言出處非並趣執辭欣逢迎秋蘭在堂下破甑雨  
生衣蹇不改茲度危莫如人心難莫如行路成事安得



悔來者其可悟收拾不須陳干言一棄屢開門見市井  
終歲紛遑遽閉門面牆僻少日豐遐豫

陳與義

陪諸公登南樓啜新茶家弟出建除體詩諸公  
既和予因次韻

建康九醞美侑以八品珍除瘴去熱惱與茶不相親滿  
月墮九天紫面光璘璘平生酪奴謗脉脉氣未申定論  
得公詩雅好知凝神執持甘露椀未覺有等倫破睡及  
四座愧我非嘉賓危樓與世隔萬事不及脣成功方坐  
嘯賞此玉花勻收杯未要忙再試晴天雲開口得一笑  
茲遊念當頻閉眼歸默存助發梨棗春

范成大

次韻子永見贈建除體

建子玉杓直黃昏月如霜除道啓柴扃客來巾履忙滿  
炷寒釭油共此書檠光平生卜鄰願何意登我堂定交  
吾豈敢南榮慚伯陽執手道古作遺篇記河梁破窗風  
鳴悲孤客多慨傷危腸不救飢我詩安得昌成章類邨  
歌但可侶牛羊收功翰墨藪微子誰能良開卷得雅音  
玉鑾導旂常閉戶坐相念雪深梅暗香

方岳

用簡齋建除體韻

建旗凜大將負弩紛前驅除此兩不能鋤荷則有餘滿

畦老菘韭貧猶未飢虛平生錯料事不到齊王筭定無  
相攜人歲晚誰與娛執杯手欲龜風雪侵貂褌破顏劃  
孤嘯鬱屈終不舒危坐發深省寧若巾柴車成敗未可  
知蕪我瓜芋區收身黃鰕鯪心迹何裕如開口不言錢  
未害書生迂閉戶聊課詩政與俗士疎

孔武仲

數詩分題

天字  
為韻

一邑臨襄漢青衫正少年二毛侵鬢髮披霧始窺天三  
接龍光遠瞳矐白日邊四門方雜遝羔鴈賁林泉五斗  
安微祿雖貧志浩然六韜聊自試有策佐平燕七札穿  
強弩諸君必凱旋八荒馳貢篚恩旨罷戈鋌九九期君

用慚非命世賢十官何敢望於此卜歸田

孔平仲

八音詩呈諸公

金罍美酒斗十千石榴花開窗戶前絲琴萬事何足言  
竹溪下逸方醉眠匏瓜繫此雖不久土風甚美人皆賢  
革易睽散心惘然木在高山魚逐泉

再賦

金房去此路幾千石瀨齒齒秋風前絲侵兩鬢老不言  
竹實已空飢鳳眠匏笙吹作別離曲土壤漸異愁諸賢  
革履練服何蕭然木陰緩步尋雙泉

八音詩十首

錄二首

金風盪炎暑六合氣已清石聳南山高晨起見崢嶸  
垂蟲就繭彼各有所營竹實不足飽鳳凰尚飢鳴匏瓜  
固賤草引蔓上高城土地之所宜結子如瓶罌革帶守  
空文歲月亦可驚木落行且秀欣欣似春雲  
金杯十分酒酌子消百憂石可補青天棄與瓦礫侔  
可絃南風織成縑素柔竹帛未書功光景忽已邁匏繫  
久不食棲棲江上州土鼓與蕢桴爲用先鳴球革帶人  
所賤猶列下邳侯木有棟梁材終當同萬牛

晁補之

八音歌二首答黃魯直

錄一首

金蘭况同心莫樂心相知石田懼清霜念此百草腓

看煮繭吐士聽憤悱語竹馬非妙齡美人恐遲暮匏繫  
魯東家今君尚天涯土膏待陽瘳氣至如咄嗟革薄不  
可廓士迫下流惡木無松柏心蝸處螻蟻託

陳與義

八音歌二首

錄一首

金章笑鶉衣玉堂陋茅茨石火不須臾白駒隙中馳  
鬢那可避會當來如期竹固不如肉飛觴莫辭速匏竹  
且勿喧聽我歌此曲土花翫四時未覺有榮辱革木要  
一聲好異乖人情木公不可待且復舉吾觥

方岳

夏日珠溪賦八音體

金節薜蘿月玉夏琅玕風石根一睡美幽尚誰與同絲  
琴俗士懷顛倒崔烈銅竹筇肯俱來獨予兩詩窮匏瓠  
亦纏藤永日閉梵宮土花侵道碧晚翠初空濛革華共  
徘徊愛此山叢叢木犀約重遊小待香玲瓏

再賦

金谷已塵土珠履如颺風石崇與平原癡處正爾同絲  
毫挂世網空錮南山銅竹窗理殘書久矣不諱窮匏樽  
吾故人許訪青蓮宮土甘蔬亦香小摘空濛濛革革有  
鳴禽留我幽花叢木屑落飛談煙霞晚蔥瓏

孔平仲

還鄉展省道中作四聲詩寄豫章僚友

蕭灘波潺湲巴丘山崔嵬江天如相迎風吹浮雲開思  
鄉人皆然惟予頻歸來松楸彌青鮮春容生泉臺久雨  
水陡長決滂似海廣葦底解小艇曉起蕩兩槳早飯野  
篠下鳥語靜愈響有酒我不飲引領但子想四際又暮  
夜意詣尚未到繫纜坐樹蔭嘒嘒聚噪徑步氣向暝  
岸嘯韻自報內顧自慰幸比歲屢拜掃執熱逼入伏一  
葉益局促日落月欲出豁若脫桎梏木色鬱碧幄竹節  
削綠玉赤脚踏白石宿泊得沐浴

鄭剛中

平字梅花

江梅非凡根先春花南枝玲瓏皆瑤英雕鐫誰為之天

高孤芳寒風來幽香隨朝暎晞霜華蘭膏塗真妃移之  
當疎簾吟腸清相宜吾將讒花神妖紅徒紛披何如令  
江梅芬芳無休時終愁芝蘭嗔侵渠名聲衰

蘇軾

戲和正甫一字韻

通首字皆一母

故居劔閣隔錦官柑果薑蕨交荆管竒孤甘挂汲古綆  
僥覬敢揭鈎金竿已歸耕稼供藁秸公貴幹蠱高中冠  
改更句格各蹇吃姑固狡獪加間關

劉敞

疊韻

圖書如蘧廬吏事類志意招邀聊逍遙醉寐自棄置

陸游

山居疊韻

禽吟陰森林鹿伏樸檉木嗚呼吾徒愚僕僕逐肉粟聯  
翩憐鳶肩覆餗速戮辱艱難還山間獨欲足畜牧躋梯  
棲西溪築屋宿北谷光芒常當藏櫝玉觸俗目

孔平仲

藏頭體寄賈宣州

高會當年喜得曹日陪宴衍自忘勞力回天意君應憊  
心挾乾坤我尚豪豕亥論書非素學子孫干祿有東臯  
十年求友相知寡分付長松蔭短蒿

藏頭體呈章子平

卸選宋詩

卷三

陸游

孔平仲

劉敞

三

王駱聲華星斗傍方州投老棄甘棠木逃剪伐枝長碧  
石耐鐫磨性有常巾褚藏經勤問學子孫傳業富文章  
十年留落歸何暮日聽除書侍玉皇

孔平仲

藥名離合四時四首

草滿南園綠青青復間紅花開不掃地錦繡徑相通  
漿寒飲一石蜜液和巖桂心渴望天南星河粲垂地  
參旗挂綵木通夕涼如水銀漢耿半天河橋暝煙紫  
雪片擁頰垣衣裘冷如甲香醪不滿榼藤枕欹殘臘

劉敞

雨後迴文

綠水池光冷青苔砌色寒竹深啼鳥亂庭暗落花殘

王安石

泊鴈迴文

泊鴈鳴深渚收霞落晚川析隨風斂陣樓映月低弦漠  
漠汀帆轉幽幽岸火然壑危通細路溝曲繞平田

蘇軾

次韻迴文三首

春機滿織迴文錦粉淚揮殘露井桐人遠寄情書字小  
柳絲低日晚庭空  
紅牋短寫空深恨錦句新翻欲斷腸風葉落殘驚夢蝶  
戍邊回鴈寄情郎

羞雲斂慘傷春暮細縷詩成織意深頭伴枕屏山掩恨  
日昏塵暗玉窗琴

題織錦圖上迴文三首

春晚落花餘百草夜涼低月半枯桐人隨遠鴈邊城暮  
雨映疎簾繡閣空

紅手素絲千字錦故人新曲九迴腸風吹絮雪愁縈骨  
淚灑縑書恨見郎

羞看一首迴文錦錦似文君別恨深頭白自吟悲賦客  
斷腸愁是斷絃琴

記夢迴文二首并序

十二月二十五日大雪始晴夢人以雪水烹小團

茶使美人歌以飲余夢中爲作迴文詩覺而記其

一句云亂點餘花吐碧衫意用飛燕故事也乃續

之爲二絕句云

酡顏玉盃捧纖纖亂點餘花吐碧衫歌咽水雲凝靜院  
夢驚松雪落空巖

空花落盡酒傾缸日上山融雪漲江紅焙淺甌新火活  
龍團小碾鬪晴窗

朱長文

奉和司封使君春日迴文之作

佳景更同民共樂俊髦皆集盛飛觴花隨客醉還成句  
柳贈人行欲斷腸斜月上時霞散綺暖風來處寢凝香

華年惜過須心賞富貴叢身逼鬢霜

周知微

遊盱眙龜山作迴文

潮迴暗浪雪山傾遠浦漁舟釣月明橋對寺門松徑小  
檻當泉眼石波清迢迢綠樹江天曉靄靄紅霞海日晴  
遙望四山雲接水碧峰千點數帆輕

李彌遜

秋月迴文

霜盤玉隱倒團金迴水秋天碧野侵光掩半扉寒夜永  
影分疎竹翠煙深長空遠岫歸雲捲古木高風浥露沉  
涼袂客愁應夢楚荒城曉角夜悲吟

王阮

避暑煙水亭與王景文迴文聯句一首

顏舒且對尊中酒景文畫永方濃翠幄陰南卿環珮響溪寒

浪急景文畫圖藏谷繡煙深斑生石潤苔紋亂南卿碧度雲

飛鳥影沉景文間館邃風來迴野南卿隔樓斜日轉疎林景文

宋伯仁

小舟晚賞荷花迴文

天浮月影水浮天路遶山頭樹遶煙船小小行人意適

藕花新索酒杯傳

早秋迴文

秋天一餉晚風涼笑語人傳早稻香樓上醉時簾半卷



愁添客鬢兩蒼蒼

李濤

春晝迴文一首

茶餅嚼時香透齒水沉燒處碧凝煙紗窗閉著猶慵起  
極困新晴乍雨天

方岳

溪店迴文

啼鶯幾處垂垂柳乳燕雙飛片片花溪淺度雲山帶雨  
岸崩欹樹草連沙

陳希聲

春日田園雜興迴文

香紅眩眼纈蕤英竹杖扶吟縱步行桑眼暮含青蓄小  
麥鬚蝦磔翠芒輕黃花菜圃午風軟綠水秧畦春野平  
芳樹幾聲鳩雨過蒼蒼柳色弄煙晴

犁鋤徧野沸耕農血吻鶻聲一樹紅畦蠹秧針青剡剡  
隴翻麥浪翠芑芑雞鳴晝寂花邨雨蛤吠朝寒草岸風  
溪外雲過橫笛亂微煙野色樹籠蔥

御選宋詩卷第七十七

御選宋詩卷第七十八

吳水雲遊蘇苗廣游歐理色蘇譜蘇

劉瑞來身翠其其蘇其書宋蘇仲雨如神寒草其風

半饒新理其其蘇其血如蘇蘇一蘇其蘇蘇蘇蘇蘇蘇

六蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇

蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇

蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇蘇

御選宋詩卷第七十八目錄

雜體詩二

文同累字詩二首

孔平仲累字詩二首

宋伯仁累字詩一首

龔開累字詩一首

蘇軾集字詩十首

邵雍首尾吟二首

陳舜道首尾吟四首

李師中轆轤體一首

陸游轆轤體一首

楊萬里進退格二首

周紫芝五雜組三首

范成大五雜組四首

張舜民兩頭纖纖二首

范成大兩頭纖纖二首

賀鑄青字詩二首

孔平仲限字詩二首

吳做謎詩三首

王禹偁聯句一首

魏野聯句一首

歐陽脩聯句四首

蘇舜欽聯句二首

梅堯臣聯句一首

黃庶聯句一首

范純仁聯句一首

蘇軾聯句一首

楊傑聯句一首

晁補之聯句一首

王十朋聯句二首

丁開聯句一首

楊氏女聯句一首

王安石集句十首

孔武仲集句一首

孔平仲集杜一首

王阮集句一首

戴昺集句一首

宋伯仁集句四首

李藎集句三十一首

胡偉集句十八首

文天祥集杜十首

趙善璫集句三首

御選宋詩卷第七十八

雜體二

文同

累字詩一字至十字詠竹

竹竹森寒結綠湘江濱渭水曲帷幔翠錦戈矛蒼玉心  
虛異衆草節勁踰凡木化龍枝入仙陂呼鳳律鳴神谷  
月娥巾帔靜苒苒風神笙竽清簌簌林間飲酒碎影搖  
罇石上圍碁輕陰覆局屈大夫逐去徒悅椒蘭陶先生  
歸來但尋松菊若論檀欒之樂無敵於君欲圖瀟灑之  
姿莫賢於僕

石石陰黑陽白岸胚胎山骨骼天地鎔鑄鬼神刻畫鯤  
鯢張怒眼虎兕交鬪額敲如溫玉聲清洗似精銅色碧  
花邊斫爾盡竒品林下礪然無俗格冰霜慘冽堅操不  
移塵土昏冥孤標自隔堯矼獨立見到侍中家磊落羣  
居在牛丞相宅昔時大士常命汝曰聽徒今日衰翁且  
對君爲佳客便解只木出前於人山如和鳳軒鼎軒谷  
孔平仲 累字詩一字至七字送夢錫夢錫託疾引歸  
行行夙駕宵征秋漸老雨初晴黃葉歸思青山去程隨  
身一鴈遠入眼故鄉明流水光陰可惜浮雲軒蓋須輕  
把酒日飛鸚鵡盞尋花更到鳳皇城

累字詩七字至一字

仕宦千憂出海濤功名一笑付秋毫榮望去如脫屣歸  
心斷若操刀東堂展圖畫北牖綴風騷暗煎越茗寒泛  
宮醪超世網釋天弼就逸辭勞高高

宋伯仁

累字戲作解愁吟簡舊同寮

愁知不空白頭心事驚秋歸興滿滄洲貂蟬雖出兜鍪  
功名有愧黑貂裘夷齊與盜跖總荒丘無非蘧蘧栩栩  
夢莊周空教笑倒江上煙雨汀鷗一琴一劍一童一鶴  
一茶甌自不須苦苦高卧元龍百尺樓著眼看翻雲覆  
雨處豪傑總成羞牙旗金甲蹇驢破帽窮通一任前修

五湖千萬頃明月則儘可棹歌橫釣舟

龔開

累字一字至七字觀周曾秋塘圖有作

秋秋瀟灑清幽人靜處水邊頭波紋細細風色颼颼鷗鷺情相狎鳧鷖樂自由疎葦敗荷池沼白蘋紅蓼汀洲  
幾竿漁釣去已盡一段晚雲寒不收

蘇軾

歸去來集字十首

并序

予喜淵明歸去來詞因集字為十詩

命駕欲何向欣欣春木榮世人無往復鄉老有將迎雲  
內流泉遠風前飛鳥輕相攜就衡宇酌酒話交情

涉世恨行役告休成老夫良欣就歸路不復向迷途去  
去徑猶菊行行田欲蕪情親有還往清酒引尊壺  
與世不相入藪琴聊盡歡風光歸笑傲雲物寄游觀言  
語審無倦心懷良獨安東臯清有趣植杖日盤桓

雲岫不知遠巾車行復前僕夫尋老木童子引清泉矯  
首獨傲世委心懷樂天農人告春事扶老向良田  
世事非吾事駕言鄉路尋向時迷有命今日悟無心庭  
內菊歸酒窗前風入琴寓形知己老猶未倦登臨  
富貴良非願鄉關歸去休攜琴已尋壑載酒復經丘翳  
翳景將入涓涓泉欲流老農人不樂我獨與之遊  
觴酒命僮僕言歸無復留輕車尋絕壑孤棹入清流乘

化亦安命息交還絕游琴書樂三徑老矣亦何求  
歸去復歸去帝鄉安可期鳥還知己倦雲去欲何之入  
室常攜幼臨流亦賦詩春風吹獨斷不是傲親知  
役役倦人事來歸車載奔征夫問前路穉子候衡門入  
室亦詩策少遊常酒尊交親書已絕雲壑自相存  
寄傲知今是求勞定昨非聊欣尊有酒不恨室無衣丘  
壑世情遠田園生事微庭柯還獨晒時有鳥歸飛泉

邵雍

首尾吟

堯夫非是愛吟詩雖老精神未耗時水竹清閒先據了  
鶯花富貴又兼之梧桐月向懷中照楊柳風來面上吹

被有許多閒捧擁堯夫非是愛吟詩

堯夫非是愛吟詩詩是天津竚立時有意水聲千古在  
無情山色四邊圍孤鴻遠入晴煙去雙鷺斜穿禁柳飛  
景物不妨閒自適堯夫非是愛吟詩

陳舜道

春日田園雜興首尾吟

春來非是愛吟詩詩是田園引興時聞布穀聲驚綠野  
聽提壺語憶青旗曾因鬪草爭春起每爲看花樂意隨  
景物撩人禁不得春來非是愛吟詩

春來非是愛吟詩詩是田園乘興時得暇分畦秧韭菜  
趁晴樊圃樹棠梨山煙青笠等閒去沙地烏犍和醉騎

一片野情羈不住春來非是愛吟詩

春來非是愛吟詩詩是田園遣興時行傍山翁驅犢父

坐看鄰媪試鶯兒插秧時測水深淺行菜間占春早遲

白日漸長消不去春來非是愛吟詩

春來非是愛吟詩詩是田園感興時草地耕牛纔有犢

花邨吠犬那生菴麥青未必三時粥桑綠其如二月絲

觸物興懷言不盡春來非是愛吟詩

李師中

送唐子方之貶所轆轤體

孤忠自許衆不與獨立敢言人所難去國一身輕似葉  
高名千古重如山並遊英俊顏何厚未死奸諛骨已寒

天爲吾皇扶社稷肯教夫子不生還

陸游

東山避暑用轆轤體

避暑穿林隨所之一奴每負胡牀隨望秋槁葉有先隕

未暮赫日無餘暉輪囷離竒澗松古鈎駟格磔蠻禽悲

北巖竹間最慘慄清嘯倚石真忘歸

楊萬里

過若山坊進退格

綠漲空中屋黃鋪地上雲風條鈎過轎雨穉沒行人夾

路桑千樹平田稻十分泥行殊不惡物色逐邨新一林

雪後寄謝濟翁聯騎來訪進退格



御選宋詩 卷一  
封胡連璧雨中來自送歸鞍悵獨回隱几讀書寒入骨  
開門落雪皓平階急尋火種溫雙手自喚兒郎共一杯  
念汝野梅官柳路地爐松葉買茅柴

周紫芝

五雜組三首

五雜組隴頭水往復來玉關騎不得已從仕子

五雜組雲際翮往復來長安陌不得已千里客

五雜組夜茫茫往復來鴈南翔不得已思故鄉

范成大

五雜組四首

五雜組同心結往復來當窗月不得已話離別

五雜組流心縷往復來臨行語不得已上馬去

五雜組回文機往復來錦梭飛不得已獨畫眉

五雜組綵絲鍼往復來鳥投林不得已夢孤衾

張舜民

兩頭織織二首

兩頭織織女梭半白半黑右軍鶯膈膈膊膊石子坡

磊磊落落大風歌

兩頭織織繭綰絲半白半黑蠅蠹之膈膈膊膊母赴兒

磊磊落落忠臣詞

范成大

兩頭織織二首

范成大

張舜民

賀鑄

兩頭纖纖探宮繭半白半黑鶴斃緣臙臙膊膊上帖箭  
磊磊落落落封侯面

兩頭纖纖小秤衡半白半黑月未明臙臙膊膊扣戶聲  
磊磊落落金盤冰

賀鑄

和杜仲觀青字詩二首

青袍少年子獨出青門遊逢人少青眼凝笑望青樓窗  
中青娥女正為青春愁心事屬青鳥青驄能少留

白馬青絡頭青萍寶帶鈎青溪流水急獨上青翰舟佳  
人青雀釵手把青荷遊慕君青雲器青髮結綢繆

孔平仲

本是一首寄芸叟

本是同根生  
相煎何太急

本末已倒植是非當告誰同為天涯客根冷聊相依生  
平尚氣節相約老不衰煎烹雖炎炎何損百鍊姿太過  
空自返急鞭猶恐遲

相看一首寄芸叟

相看過半百  
不寄一行書

相與同少壯看看俱老人過日如脫兔半生如浮雲百  
事多齟齬不如收此身寄心青霞杪一笑輕千鈞行行  
秋鴈去書此贈情親

吳儆

已卯之冬月餘端坐無以度日因聚諸童幼極  
其歡笑時與相說謎因戲為數語示之

簾

滿身珠翠間花鈿舞到梁州最可憐一捻宮腰如束素  
清風明月畫堂前

雞

楚楚衣裳兩頰紅冠兒斜墜脚兒弓夜來塞上無消息  
玉筯偷彈對曉風

梭

奔波來往一生忙方寸包藏不可量用盡心機還骨立  
為他人作嫁衣裳

王禹偁

鄭州與張秉監察聯句

函關秋霽鴈初迴六里商於曉色開秉四皓有靈應笑

我謫官方始入山來禹偁

魏野

解城條山并序

解城之南出五里抵中條山山有絕壁介立儼若  
峽束緣岸沂流似有人跡瑯琊王衢趙郡李識處  
士魏野江東僧用晦披榛索徑深入數百步止於  
泉石之涘道路未遠塵事且隔雲鳥風物鳴動左  
右而山語野笑樂坐盡日因相與濯足命為聯句  
詩一章凡二十句用晦書於巖壁時淳化五年秋  
八月三十日

萬仞雲根泉清泠濯我足晦用森森灑爪甲凜凜寒肌肉

衢來初自試探坐久頻舒縮野觸開浪花白踏破苔衣

綠衢肺腑亦清冷形影相照燭晦用忽罷避遊魚未歸妨

渴鹿野懼濁遠泥沙就陰憐草木衢浸潤易調暢狎玩

難拘束識欲伐我未能先起人何速野此會高且閒願

繼漁父躅晦用

歐陽脩

冬夜小齋同陸經聯句寄梅聖俞

寒窗明夜月歐散帙耿燈火破硯裂冰澌陸敗席薦霜

竒廢書浩長吟歐想子實勞我清篇追曹劉陸苦語侔

島可酣飲每頽山歐談笑工炙輠駕言當有期陸歲晚

何未果幽夢亂如雲歐別愁牢若鎖雪水漸連漪陸春

枝將婀娜客心莫遲留歐苑葩即紛墮何當迎笑前陸

相逢嘲飯顆歐

劍聯句同范仲淹滕宗諒

聖人作神兵以定天下厄范蚩尤發靈機干將構雄績

歐橐籥天地間鑪冶陰陽闢滕南帝輸火精西皇降金

液歐炎炎崑岡熒洶洶洪河擘范雷霆助意氣日月淪

精魄滕神氣不在大錯落就三尺直淬靈溪泉橫磨太

行石歐雄雌威並立晝夜光相射范提攜風雲生指顧

煙霞寂滕堅剛正人心耿介志士跡歐初疑成夏鼎臆

魅世所適滕又若引吳刀犀象謂無隔范截波虬尾滑

脫浪鯨牙直頑冰挂陰雷皎月乘孤隙歐河角起彗氣

雲罅露秋碧曉鐔星斗爛夜匣飛龍宅范舞酣霰雪回

彈俊球琳擊鮮搖雪水光膩刮湘山色滕青蛟渴雨瘦

青虺蟠霜瘠歐清音鏘以鳴寒姿堅且澤范鬼類喪影

響佞黨摧肝膈歐一旦會神武四海屠兇逆范周王奉

天討商郊千里赤歐楚子揚軍聲秦師萬首白祥輝冠

吳楚殺氣橫燕易范與君斬鼉足八極停震虢歐與君

刺鵬翼三辰增煥赫莫使化猿翁辱我為幻惑范莫使

暴虎人屈我執仇敵滕尊嚴俟冠冕左右舞干戚歐功

成不用留延平空霹靂范

鶴聯句同范仲淹滕宗諒

上霄降靈氣鍾此千年禽范幽閒靖節性孤高伯夷心

歐頡頏紫霄垠飄颻滄浪潯滕岳湛有仙姿鈞韶無俗

音范毛滋月華淡頂粹煙光深歐日流泉客淚翅垂羽

人襟滕騰漢雪千丈點溪霜半尋范織啄礪青鐵修脰

雕碧琳歐巖棲於溪樹澤飲卑朱泠滕鸞凰自墮篋燕

雀徒商參范獨翅聳瓊枝羣舞傾瑤林歐病餘霞雲段

夢回松吹吟滕靜嫌鸚鵡言高笑鴛鴦淫范金清冷澄

澈玉格寒蕭森歐潔白不我恃腥羶非所任滕稻梁不

得已蟣蝨胡為侵范天池憶鵬遊雲羅傷鳳沈滕風流

超縞素雅淡絕規箴歐相親長道情偶見銷煩襟范西

漢惜馮唐華皓欲投簪歐南朝仰衛玠清羸疑不禁滕

端如方直臣處羣良足欽范介如廉退士驚秋猶在陰

范幾誚鷹隼驚羈鞫俄見臨歐還嗤鳧鷖貪弋繳終就

擒歐乘軒乃一芥空籠仍萬金滕片雲伴遙影冥冥越

煙岑范長飈送逸響亭亭出霜砧歐蓬瀛忽往來桑田

成古今歐願下八佾庭鼓舞薰風琴滕

來鸞堂與趙叔平王禹玉王原叔韓子華聯句

賢侯謝郡歸從游樂吾黨林泉富餘地卜築疏陳莽是

時春正中來鸞音下上若賀大厦成喜留衆賓賞槩得

名因談笑揮墨粲題榜所夸賢豪盛豈止池榭廣人心

樂且閒鳥意頡而頰吟罇敞花軒醉枕酣風幌脩輕雲

薄藻棟初日麗珠網紅袂生暗香清絃泛餘響林深隱

飛蓋岸曲遲去槩波光欄檻明竹飛衣巾爽珪虛容涼

樾入影與文漣蕩晨飈轉綠蕙夕雨滋膏壤嘉辰喜盍

朋命駕期屢往觴詠陶淑真世俗豈我做洙得以為勝

遊蕭然散煩想公子固好士世德復可象今此大基構

不圖轉奉養美哉風流存來葉足師仰絳

蘇舜欽

丙子仲冬紫閣寺聯句

白石太古水才蒼崖六月冰昏明咫尺變子身世逗留

增橋與飛霞亂才人間獨鳥升風泉冷相搏子樓閣暮

逾澄反覆青冥上才躋攀赤日稜唄音充別壑子塔影

弔寒藤仙掌挂太一才佛壇依古層巖喧聞鬪虎子臺

靜下飢鷹晴檻通年雨才濃羅四面曾日光平午見子

霧氣半天蒸潭碧寒疑裂才鐘清遠自凝陽陂冬聚筍

子陰僻夏垂繒有客饒佳思才高吟出遠凭雄心翻表

裏子遠目著軒騰岑寂來清夜才沈冥接定僧宿猿深

更杳子落水靜相仍松竹高無奈才煙嵐翠不勝甘酸

收脫實子坳隩布清勝北野才沈著南天更勃興恣睢

超一氣才黠黠起孤鵬並澗寒堪摘看雲重欲崩行中

向背失子呼處下高應庭樹巢金爵樵兒弄玉繩斷香

浮缺月才古像守昏燈乳管明相照莎顙綠自矜深疑

嘯神物子敔欲敵穀陵俯仰孤心撓回翔百感登畫圖

風動僻詩句涕霑膺先公有留題在澄心閣歲月看流矢才心腸劇斷

緼追攀初有象悲憤遂相乘故賞知無遁遺靈若此憑

依然忍回首子愁絕下峻嶒才

薦福塢聯句

踴甃皇都壯才盤基紫宙雄山河供遠目玉簷戶發高

風梯險三休上子輪開一氣中門當谷子午才影落陌

西東韻鐸翻天籟玉危觚駐夕紅側聆悲下俗子仰面

識長空絕若神擠至才深疑壑暗通人寰如蟻垤玉身

世甚秋蓬歎息興亡地子沈吟製作工清思抱明月狂

欲把飛鴻去矣登臨興才巍乎造化功涼襟當爽塏幽

意入鴻濛頭角峰如揖玉丹青樹不同城郭回迤邐閣

殿失穹窿可使孤懷放子胡為萬恨終何當得壯士提

取出塵籠才翁

梅堯臣

風琴聯句同謝希深

竅竹漏天風張絃擬嶧桐佳名從此得妙想未曾窮希深

夜靜危臺上人閒皎月中依依聽不足秋露滿蘭叢俞聖

西東黃庶

斑石枕聯句同向宗道

斲得西山骨磨礮露斑駁凝結一何怪道宗形模萬難學

直疑彩雲根庶又訝紫珉璞中瘦齧蛟腹道宗外文灼龜

殼冷剖清泉肝庶穗楮老鼈脚堅方君子性道宗清純聖

人璞有氣當補天庶無瑕應並殼定漬盤古苔道宗想漏

神農藥堪作夢寐寶庶尤其是炎蒸託眠月病頭愈道宗橫

風醒肺濯珊瑚侈可唾庶陶甄脆堪撲夜深魘鬼驚道宗

晝冷詩魔愕首愜無俗夢庶心清去煩惡蘄簞方敢友

道宗蜀筇良可攫何必檄愈風庶何必文驅瘡質任兒女

嗤道宗頑宜童僕謔枕流固迂誕庶籍糟徒落魄潤生審

將雨道宗輝發疑有珏髑髏莊生狂庶虎魄宋武薄欲鑿

中郎銘文章體猶弱欲秘淮南書神仙志非樂道宗我疑

混沌鑛誰與礮竅鑿可作甘寢輿華胥詣冥冥庶子道

足施為我拙困嬰縛已謀具巾屨行當老嵩霍子其乞

我歸終焉卧雲壑道宗嗜好我已癖須求子惟慤羶舊王

固惜瓢陋顏不博異時一經子便當千金橐客退獨摩



拂卧送山月落庶

范純仁

遊嵩山與王弱翁聯句

靈境中天秀疆辟雄名古到今位尊朝列嶽純勢重壓千

岑靜鎖神仙宅疆辟高盤宇宙心孤棱標日月純絕仞倚

戈鐔彩棟靈祠邃疆辟層簷淨刹深民祈傳覲語純國祀

致君忱碑古苔生字疆辟堂虛畫蠹金山呼曾薦壽純神

降即為霖事怪塗山石辟疆少室山形端玉女砧峰巒排

翠玉純灘瀨漱鳴琴蕙帳人誰繼疆辟金泥迹可尋唐經

藏寶妙純魏殿想鸞音會善寺魏文帝離宮雲作他方雨疆辟松連別

院陰谷泉長浸斗純仁山有七星泉頂路欲捫參探穴夢潛動疆辟

捫蘿力不禁箕熊分蟻蛭純伊洛認蹄涔鳥道樵夫去

疆辟龍潭驛使臨衆仙停羽駕純仁頂有八仙壇昔帝儼宸襟山有元宗御容

選勝先看記疆辟乘危可作箴天門開四極純仁山有東西二天門樹

品冠雙林少陵有則天一品松五品松靈藥看苗劬疆辟香醪挈榼斟道宮

庭不埽純學館突無黔山有書院壠麥風搖浪疆辟溪淙石聳簪

雜花春爛漫純虛壑響幽禽溪月寒澄霽疆辟巖煙暮杳

沈寺橋橫帶竦純禪磬擊瑇琳拂壁題新字疆辟逢僧舉

舊吟疲驂何處解純高閣在崎嶇疆辟

蘇軾

夜坐與邁聯句

清風來無邊明月翳復吐坡松聲滿虛空竹影侵半戶

蘇軾 楊傑

御選宋詩 卷七 蘇軾 楊傑

邁暗枝有驚鵲壞壁鳴飢鼠坡露葉耿高梧風螢落空  
 廡微涼感團扇古意歌白紵樂哉今夕遊獲此陪杖屨  
 邁傳家詩律細已自過宗武短詩膝上成聊以感懷祖  
 坡

楊傑

崔仲岳隱居松江以丹白黑飾舟曰鶴舟括蒼  
 周子韶無為楊次公治平三年夏六月會仲岳  
 于繁昌蓬萊亭勉其罷鶴舟以應書席上聯句  
 送之

且就飛龍榜休登白鶴舟韶子隴書方勸駕閭苑莫回頭  
 次丹頂歸滄海霜翎擲素秋韶子海鵬期變化仙驥任沈

浮次煙月閒三島功名重五侯須知馳鳳詔便是釣鰲

鈞韶子已得冲天便無思擊漿遊次楚醪鏗逸韻湘瑟助

冥搜韶子南浦成春別北山空夜愁九臯聞象魏一葉寄

汀洲次世氣騎風虎機心走海鷗韶子昔年嗟鵙退今日

並麟遊次八月仙槎駛千齡聖運優市朝真大隱箕穎

謾清流韶子鼓枻嗤漁父乘桴笑仲由片帆從此卷舊壑

亦應留次冠佩重華國鶯花四皓樓雄文高雁塔大醉

憶蓬丘韶子勲若書青史幢須建碧油蘭橈好重舉乘取

上揚州次

晁補之

直廬聯句



月微墮行中煮茗香初歇衣裳識霜信開瓶鉢了禪悅事

定心源清行中夢回斗柄直周遊興欲盡開長往計未決

出門更回首行中沙水盪虛白美哉神禹功開已矣三苗

跡山川長不朽行中愚智俱可惜神交正冥冥開指點宜

歷歷慎勿與俗人行中桃源恐相失開

楊氏女

締盟詩聯句

珠簾半牀月青竹滿林風楊何事今宵景無人解與同

謝

王安石

烝然來思集句并序

烝然來思送程公也公來以薨麋饋我我飲餞之

率西水滸故作是詩

念我獨兮亦莫我顧烝然來思程伯休父我有旨酒爾  
殽伊脯酌言酌之式歌且舞不留不處適彼樂土言秣  
其馬率西水滸有客宿宿于時語語山有喬松江有渚  
式遄其歸不我與作此好歌倡予和女

金山寺集句

招提憑高岡四面斷行旅勝地猶在險浮梁裹相拄大  
江當我前颭灩翠綃舞通流與廚會甘美勝牛乳扣欄  
出龜鼉幽姿可時覩夜深殿突兀太微凝帝宇壁立兩  
崖對迢迢隔雲雨天多賸得月月落聞津鼓夜風一何

喧大舶夾雙艣顛沈在須臾我自檝迎汝始知象教力  
但度無所苦憶昨狼狽初只見石與土榮華一朝盡土  
梗空俯僂人事隨轉燭蒼茫竟誰主咄嗟檀施開繡楹  
盤萬礎高閣切星辰新秋照牛女湯休起我病轉上青  
天去攝身凌蒼霞同凭朱欄語我歌爾其聆幽憤得一  
吐誰言張處士雄筆映千古

其四 春山集句

春山春水流曲折方屢渡荒乘不知疲行到水窮處依  
然舊童子要予竹西去歸時始覺遠草蔓已多露

率送吳顯道集句

臨川樓上柰園中羅幃繡幕圍香風觥船一棹百分空

看朱成碧顏始紅杏花楊柳年年好南去北來人自老  
舊事無人可共論惟君與我同懷抱

甘露歌集句

折得一枝香在手人間應未有疑是經春雪未消今日  
是何朝盡日含毫難比興都無色可並萬里晴天何處  
來真是屑瓊瑰天寒日暮山谷裏的皜愁成水地上漸  
多枝上稀唯有故人知

更向蘇離昇州作集句

相看不忍發慘淡暮潮平語罷更攜手月明洲渚生

懷元度集句

秋水纔深四五尺扁舟斗轉疾於飛可憐物色阻攜手

正是歸時君不歸  
漸老逢春能幾回  
蓬門今始爲君開  
莫嫌野外無供給  
更向花前把一杯  
一樹籠鬆玉刻成  
遊蜂多思正經營  
攀枝弄雪時回顧  
還遶櫻桃樹下行  
幽棲地僻經過少  
鐘梵聲中掩竹門  
惟有多情枝上雪  
暗香浮動月黃昏

孔武仲

不恨我衰子貴時  
經濟實藉英雄姿  
君有長才不貧賤

莫令斬斷青雲梯  
驂騮作駒已汗血  
坐看千里當霜蹄  
省郎京尹必俯拾  
軍符侯印取豈遲

孔平仲

集杜詩句寄孫元忠

君不見見瀟湘之山  
衡山高八月秋高  
風怒號草木黃落  
龍正蟄哀鴻獨叫  
求其曹男兒生無  
所成頭皓白漂零  
已是滄浪客呼兒  
覓紙一題詩此心  
炯炯君應識

王阮

滄洲閣集句

滄洲有奇趣吾道付滄洲  
樹影中流見船燈照島幽  
轉思江海上海上却著土  
山頭野水無人渡乘桴學  
聖丘

戴昺

春日偕兄弟侍屏翁游晉原分得外字因集句而成

春雨晴亦佳適與賞心會  
初日照高林幽泥化輕塹  
步屣隨春風始覺天宇大  
牽懷到空山逍遙白雲外  
青松夾路生童童狀車蓋  
清川帶華薄陰壑生虛籟  
性達形跡忘傲然脫官帶  
薄暮方來歸月老搖千籟

宋伯仁

別友人集唐人句

菊花邛晚鴈來天同住  
蘭舟未十年今日送君須盡醉  
離人獨上洞庭船

水邊聞鴈偶集四靈句

蘆花新有鴈四面水連天  
清淨非人世吾詩詠不全

遠訪友人不遇留集句小絕

寒食花枝插滿頭長亭搔首晚悠悠  
灞陵老子無人識別是天涯一段愁

客樓戲集唐人句

門掩楊花一夜風自憐羈客尚飄蓬  
不堪吟罷東回首鳥傍簷花戲晚紅

李龔

謫仙吟集唐

空白凝雲頰不流牧龍丈人病歌秋尋詩北嶺截珠樹

老父飢寒龍爲愁呼龍耕煙種瑶草若爲失意居蓬島  
泓泓水繞青苔洲鯉魚風起芙蓉老

李長安春集唐

春欲來日日望春門早開花臺欲暮春辭去禁城煙暖  
蒸青苔齷齪浮生如走電客舍似愁誰遣來夜夜抱冰  
寒不睡流光暫出還入地門外平橋連柳堤落花聲裏  
仙娥醉

塞上北風行集唐

北風叫枯桑玉沙粼粼光天寒山路石斷裂駐馬相看  
遼水傍軍容帶甲三十萬都護寶刀凍欲斷旄頭夜落  
捷書飛少年金紫就光輝

吳娃歌集唐

洞庭明月一千里芙蓉水殿春風起殘絲欲斷黃蜂歸  
鴛鴦翡翠承燕私露脚斜飛濕寒兔越王金雞報天曙  
官街柳帶不堪折謝豹空啼采香月

致酒行集唐

零落棲遲一杯酒綠凸蠻觥奉君壽湖光江月前後鄰  
寒風又變爲春柳離鸞別鳳煙梧中曦輪送客溝水東  
霜白松溪轉斜蓋世間何處無春風

採蓮歸集唐

採蓮女採蓮歸落日晴江裏蓮舟漸覺稀蓮莖有刺不  
成折爭弄蓮花水濕衣白練束腰袖半捲不語低鬟幽



思遠碧雲搔頭落水中粉痕零落愁紅淺

秋閨思集唐

征人遙遙出古城天河夜轉漂迴星銀縷香寒鳳凰薄  
樹色深含臺榭情雨滋苔蘚侵堦綠爲有秋期眠不足  
城邊殘月勢如弓月上丁東擣寒玉

折楊柳集唐

萬里邊城地垂楊二月春年華枝上見日暮客愁新露  
葉疑啼臉風花思舞巾玳梁誰道好持此寄情人

秋夜曲集唐

秋夜長殊未央秋燈向壁掩洞房天漢東西月色光啼  
蛄弔月鉤欄下寒衣未寄莫飛霜

老婦吟集唐

萬轉愁城繫腸線青畝春蕪連石苑爲他人作嫁衣裳  
頭白如絲面如繭

怨詩二首集唐

綠蔓花綿綿日晚梧桐落所思終不來蟲聲入羅幕  
洞房秋月明玉關芳信斷含怨倚蘭叢日驚羅帶緩

金陵春日集唐

登臨吟望思無窮折盡青青賞盡紅白鳥影從江樹沒  
數峰春色在雲中

寒食日花讌集唐

萬象鮮明禁火前紅英翠萼簇芳筵殘春未必多風雨

少別穠華又隔年

湖上贈新得意者集唐

湖上新正逢故人  
天明騎馬入紅塵  
憑君莫話封侯事  
栲栳量金買斷春

初夏偶賦集唐

野煙喬木弄殘暉  
虛室無人乳燕飛  
正是清和好時節  
青叢花盡蝶來稀

桐江客舍酬客集唐

一片離心白羽輕  
桐廬江上晚潮生  
客來吳越星霜久  
身賤多慚問姓名

秋夜長集唐

丹鳳城南秋夜長  
殘蟬急處日爭忙  
如何消得淒涼思  
水色簾前流玉霜

題郵亭集唐

荊卿雄骨化為塵  
春草秋風老此身  
行盡江南數千里  
未曾逢著獨醒人

山居老將集唐

腰間寶劍七星紋  
不下青山老白雲  
門外碧潭春洗馬  
鎮南人憶杜將軍

送景道士還山集唐

古羅衣上碎明霞  
自說歸山人事賒  
金鼎藥成龍入海  
定知仙骨變黃芽

越中清明集唐

柳色千家與萬家  
閒身行止屬年華  
殘花落日小齋閉  
幾箇春舟在若耶

寄茅山講莊道侶集唐

不用燒蘭望玉京  
人間無事不曾經  
大椿枯後新爲記  
從許人間小兆聽

重寄集唐

竹杖芒屨稱野情  
醉鄉無貨沒人爭  
近年已絕詩書癖  
誰問山中宰相名

遣興集唐

春色何因向酒疎  
畫簷愁見燕歸初  
不知獨坐閒多少

釋悶還拈架上書

西陵旅思集唐

漁曲飄秋野調清  
半窗殘月帶潮聲  
不知短髮能多少  
一夜新添白數莖

寄西山僧集唐

門掩松邊雨後燈  
門前岐路自崩騰  
誰知獨夜相思處  
曾看菴西瀑布冰

竹集唐

錦籜飄零粉節深  
萬竿如束翠沈沈  
子猷沒後知音少  
忍剪凌雲一寸心

答江南友人集唐

却笑孤雲未是閒書來未報幾時還江南無限蕭家寺  
名畫偏求水墨山

紅樓女集唐

三三五五結同心夾巷重門似海深坐怨玉樓春欲盡  
不知歌舞用黃金

塞下曲集唐

都護今年破武威磧煙烽火夜深微金釵漫作封侯別  
白髮生頭未得歸

胡偉

宮詞集句

雞人唱曉五門開宮女更番上直來御仗催班元會集

遙聞索扇一時回  
鑾輅青旂下帝臺萬方懽忭一聲雷香飄合殿春風轉  
日捧南山入壽杯

鼇山燈火亘天明樓下人呼萬歲聲共聽鳴鞘雲外過  
熙熙春物慶昇平

四部仙韶下玉清沸天簫鼓奏歡聲人聽鈞樂迎三殿  
珠翠雲隨鳳輦行

青郊迎氣肇初陽繡女應知綵縷長睡足捲簾無一事  
綠窗珠箔繡鴛鴦

披香仙殿試春衣等候官家未出時整了翠環勻了面  
大家裝看鬪時宜

芙蓉深苑鬪鞦韆暗喜風光似昔年  
雙手向空如鳥翼  
寶釵長欲墜香肩  
海棠花發盛春天  
一日三回到水邊  
方信承平無一事  
月華池上駕龍船  
參差樓閣半天中  
宮柳垂垂碧照空  
獨捲珠簾望春色  
倚闌人在水晶宮  
殿前香騎逐飛毬  
一樣真珠絡轡頭  
誇道自家能走馬  
掉鞭橫過小紅樓  
燕蹴飛花落舞筵  
六么催拍盞頻傳  
殿頭日午搖紈扇  
時得徘徊黼座前  
芙蓉點露一枝開  
疑是仙宮旋折來  
準擬內家遊後苑

水心樓殿勝蓬萊

水心高殿接蘭塘  
雨灑朱簾滿殿涼  
笑倚瓊欄無一事  
薰風時送芰荷香

初冬處處火爐開  
齊獻南山萬壽杯  
按罷霓裳歸院去  
獨拈香筋撥紅灰

映林先發幾枝梅  
準擬君王便看來  
競走中車迎鳳輦  
殿前排宴賞花開

美人弄鏡插梅花  
抹月批雲自一家  
三十六宮春信早  
不應青女妒容華

先排法駕出蓬萊  
宮女侵晨探幾回  
隨駕上樓同看雪  
廣寒宮闕玉樓臺

銀臺金闕夕沈沈歌待新詞促翰林誰傍宮牆偷記譜  
姮娥歸處月宮深

不羨文天祥

美人集杜

錄十首

自淮歸浙東

北走經險艱十步一回首碧海吹衣裳挂席上南斗

雷霆走精銳

斧鉞下青冥江城今夜客慘淡飛雲汀

駐惠境

朱鳳日威垂羅浮展哀步北風吹蒹葭送此齒髮暮

南海

南海春天外祇應學水仙自傷遲暮眼爲我一潸然

至南安軍

短日行梅嶺天門鬱嵯峨江西萬里船歸期無奈何

吉州

戚戚去故里我生苦飄零回身視綠野但見西嶺青

過臨行

獨帆如飛鳥清江轉山急回首白雲多山寒夜中泣

北行

浮雲連海岱寒蕪際碣石落景惜登臨人煙渺蕭瑟

懷舊

風塵淹白日乾坤霾漲海爲我問故人離別今誰在

望故鄉  
老夫悲華年天涯故人少每望東南雲決肯入歸鳥

趙善瑤

懷梅水邨集句

我思君處君思我一掬歸心未到家相見或因中夜夢

孤燈何事獨成花

千里萬里西復東山川常在淚痕中何當共剪西窗燭

一曲琵琶酒一鍾

少年心壯輕為客不寄梅花遠信來為借行舟試借問

看花出約幾時回

御選宋詩卷第七十八

老夫志華年天涯故人少每望東南雲漢時  
題善瑤

懷梅水部集句

我思君處君思我一掛歸心不到家相見或日中夜夢

孤燈何事獨成花

千里萬里西復東山川常在淡痕中何當共剪西窗燭

一曲琵琶酒一鍾

少年心壯輕為客不寄梅花遠信來為借行舟試借問

看花出約幾時回

柳邊宋詩卷第七十八



